

顧齋集

哀辭
碑
墓表
墓誌銘

墓碣銘
行狀

卷十三

~16
2402
8



和
2402
13-8

國齋遺藁卷之十五

哀辭

金士緯哀辭并序

惟至行聖在乙酉十二月甲子吾友金士緯累卒于原湖之修省齋越明年二弟仲集子山及諸孤將以二月葬焉士緯諱德文浪州人高麗名臣文貞公其遠祖近有龔巖公為宋九齋先生所重寔曾王父同堂也至先公始徙瀛州有行有文辨叔隱惟謹士緯承之温清愉婉善兄弟睦親姻推諸朋友鄉里亦鮮言譽先公嘗稱曰是子與祭外翁猶沐浴精虔則



于先可及爾外難曰又皇皇血指既無幸母氏忘其
為未也使人咸曰幸哉有是子大者立矣其出人遠
甚而餘力發之場屋庶幾悅親顧屢躋春官浸厭之
不肯竟蓋將自奮來師友也歲戊寅杜湖趙侯偕南
士設講考巖士緯益激昂月赴會不懈恆語一弟曰
吾聞道在羨上吾其行乎奈母氏季高婚嫁未畢不
能不遲回耳其不以近者小者自安又如此自是念
舊讀小學有課每余自羨上歸輒敬問先生起居中
心所發雖執筆者不過也迨子女甫醮則忻狀告遠
游有日矣使士緯卒成其志詎不韙哉况士緯無他

疾恙可妨於遠業惟時時患風濕甚或噤不能言語
狀數歲一作兩是豈遽少人士緯亦豈遽由是歿也
聞其前一夕諷誦詠歎入後夜乃寢俄不與人未及
卽省嗟夫此何理哉始士緯在娠母氏夢入餽布四
十有六尺請益若將許一尺旋止覺而愕隱之於心
茲乃泣而云狀嗟夫神者告之矣士緯之壽遂止是
耶在之降久矣二五之禍無望於復醇則人之氣質
得清粹能幾間有之而又不永季以其端秀而高遠
者曾未一二有為殆大運所驅天亦無由篤培歟狀
其出於鐘鼎之族也猶有學士大夫相與表而尊之

若士緯仍累世隱德平日辱識又不越若余者流耳
曷能不朽士緯記士緯長我九齡一翁之故蓬鴈行
三十歲矣文房詩社重以講會知士緯則不淺也方
其卒亟素服以哭二弟亦哭而曰吾兄竟有遺恨余
蓋涕歔歔不勝雪茲正月有事且遠適二弟為余致意
曰子不暇臨穴矣歌以相紓寧忍闕諸余惟古者誄
所以謚也無爵則無謚故誄無所施而變之為哀辭
其累列纏綿視誄則一而無私謚越禮之嫌者君子
取焉豈用諸斥苦云乎哉嗚呼余其捨士緯獨赴漢
上矣義不容禮辭以不文故作此歸于二弟以解母

氏之悲云辭曰

於子之懿表海壖兮敦詩服禮樂有賢兮既孝且悌
恪而慎兮毀方瓦合交必信兮亦爆其藻自鄉貢兮
誰之不如而罔中兮歸哉消搖母氏在兮心焉慕怙
式孔痲兮濡柔所及厥胤二兮繩前牖後責則堪兮
有來卯弁日問字兮匪我求蒙教恩摯兮於子之懿
足善在兮猶恥自滿彌策勵兮如網于錦闇而章兮
視彼夸毗謂不臧兮惟道云遠豈蹴到兮得師為歸
方究造兮逝將羸糧躍厥馬兮羨之洋洋晞供灑兮
苟就而正進孰禦兮玉琢器成茲其所兮雖算遂志

往以神兮尊聞行知姑俟辰兮於子之懿宜福祐兮
在家必達又眉壽兮低回蟄坏強未仕兮纔敷郡剡
迄無俚兮翩狀舞爛養不卒兮五十猶短顧先歿兮
天高鬼惡胡敢速兮曾是嘻怡歆斂木兮哀哉九原
觀者涕兮矧茲仲季分一體兮凡今鍾情莫如慈兮
中堂送載盡難支兮於子之懿尚若生兮行篤于躬
畱令名兮其友徵茲能為役兮奔告臯比相見愔兮
民皆有歿寔命存兮循原究反偉聖言兮省夢維何
羌是踐兮悲無曰益理以遣兮精靈未昧或增戚兮
寬而俾慰格如覲兮終和永錫曷不悅兮噫其已矣

印亦咽兮

宋學臣哀辭

并序

維大統餘分三甲辰我 聖上八季閏三月四日己
未吾少友遯崖散人宋學臣客逝于古阜北部次子
婦權氏宅是猶高峯奇文憲公之於金梅堂家也翌
日赴至則既以報水樓金士謙相與弔旋聞其伯仲
二孤血指尤為之噴噓無已惟孺之故重無可以借
乘於柩之歸不克候哭路左乃伯孤專使告以茲四
月十八日筮宅長城之寓地而葬焉蓋家四壁而已
大歎三歲無以引耐故山而魂氣亾不之也雖不得

已亦禮也則胤錫老白首不歿尚忍無言嗚呼生無
爵歿無謚無謚則誅無所用之此後世哀辭之所由
作而代誄也今學臣官四命矣而國制惟二品行
贈以上乃許謚於以界之視宋朝不翅懸矣爲之辭
以哀可乎學臣諱相殷洪州之古新平人也與知止
俛仰二老同宗其別于南平亦久矣以先英宗壬
戌降幼而孤及聞王父蒙高公詩禮之訓蒙高師寒
泉李文正先生不以面而以心蔚爲吾湖外名儒學
臣自童卯雖爲貧業舉子而通經學襲文獻二十二
上舍三十文科分隸承文院京外學士大夫一辭期

以遠到當其在類也已出入我雲樓先師門庭得尤
農以下心法之遺故不惟自責厥躬而又沾丐朋友
其於斯文之賊國家之逆尤攻之克力而一己之
植弱根孤有不恤者不幸值桃蟲維鳥之會用宿憾
被中雖往往蒙弊于上而亦以其餘事之文製耳
及彼之敗宜若一伸而世與之相棄甘落托以終則
自茂長贅所就長城姻鄉自教子以外時過士謙庶
大易麗澤之象而雖以胤錫匹狀猶許以遊從卽天
下相得之樂有加於此者乎惟士謙毀于哀而哭一
子既棄官癯病而胤錫又季大永感外除纔四月矣

一葦嶺南北雖曰一舍而近而謂之源源則未也其所祝以古道晚節而為吾二人同門之眉目者顧不在於學臣乎季富矣力強矣造詣之深將孰得而禦之嗚呼學臣天竟閔之甚至不及七歲於中身賢不必有壽亦不必有位悠悠者天自古如斯吾乃以之為怨不已安耶朕其區區知若慶之深則實不在於人後何哉胤錫于學臣聞其蚤上舍可豔而地間齒登又於宦算之觀也歲丁亥臘月自莊陵有公事館于西類則學臣介士友先枉一見可知其賢祖之肖者既亟亟趨謝西齋朕亦不過目以少季場屋之

秀爾及戊子中夏內遷則稍益覺其有志乎古文辭斯已奇矣及其久方審其為學聚問辨之人而又與之同師則回視其始之不明其愧若何况學臣間又示以蒙高遺藁請校對甚勤而繼之以狀德於是乎愧而益愧朕頃先子晚隱府君在世知學臣慶學臣先已深矣即不肖知之而慶之也豈獨淺乎嗚呼學臣今其未歸真宅矣先歸之福管人所為賀者而哭歿而賀亦非吾輩所講平日之中道則辭以哀之固其所也不知學臣其知也耶其不知也耶愴也行不可以徒無以臨壙姑以此歸諸二孤以慰其悲云辭

曰
於學臣蒙老之孫兮私淑寒泉厥有源兮於學臣雲
交之徒兮上追三洲厥有模兮於學臣慕洲泉兮魏
魏華陽以沂浴兮會極歸極門路正兮博學勤學資
稟令兮其誰不如而不富兮其誰不如而不壽兮世
之日下斯道非兮宜貧且折四命微兮天實爲之亦
何恨兮有徠茫茫其未聞兮娟娟三孤服義方兮淋
其指血家訓章兮井渫不食豈靡報兮既久乃定寔
天道兮於學臣我焉託兮髮宣齒豁宦情薄兮遑暮
追逐尚擬子兮芟山彼枸邈于邇兮何志之違何奪

速兮徂冬歷訪尚感慙兮茲焉已矣漠千古兮心乎
所憾曷縷數兮天高地厚人參三兮理搭于氣性在
心兮散爲萬事物亦萬兮洋洋六籍易其本兮由周
暨明百家騰兮前孔後朱所折衷兮朱道之東靜退
栗兮降自華陽亦多說兮聖凡之心謂本異兮人物
之性謂本貳兮有如彼者不仁甚兮斯泉及雲關之
凜兮凡我同志信克篤兮念茲在茲心與目兮推而
擴之旁而通兮服而行之庶收功兮三希之業竊相
勉兮瞻言水樓借此願兮於學臣訊量進兮後我而
歿忽先殞兮欵謙與永俵無相兮矧先一飯益冥行

今餘年未遠此慟長兮書疏在篋涕浪浪兮子其憐
我告雲交兮默誘其迷永垂祐兮嗟嗟學臣我言感
兮而情莫盡于其燭兮

李台世哀辭

并序

維大統餘分三戊申我 聖上十二季夏四月二十
六日戊午梧汀李公台世以一朔瘋疾逝越一日已
未委使赴至其友越松黃永交發書大慟淚涔淫未
已嗚呼台世而至斯耶三世四序非不貴也六經諸
子非不博也六旬周甲非不壽也二子三孫非不昌
也獨惜乎誰之不如而不進士誰之不如而不及第

誰之不如而不金朱而乃奄狀至斯耶狀是區區者
初不足博台世一粲不足道也吾與台世遇于姑母
宅既四十季左右矣少而驩老而篤自夫同筆硯同
場屋同道路以外凡千言萬語長牋短詠之娓娓而
纏纏者其不以義理相厲也蓋鮮而故友水樓金士
謙亦恒稱台世白首不脫縑善居喪如光之人士所
公誦有甚卽士謙一言而可以得台世矣顧平生自
視欲狀或恤恤言待小科成先人遺命狀後將徧就
一世有道以與子偕也甘和白采固台世所有使其
賴天之靈得一舉二諧則不抑辱交之幸哉而時移

事違卒莫之有酬晚暮所得惟練光浮碧一倦遊而已嗚呼台世而至斯耶吾亦一畸人也雖頃承父師之訓而無一步有進雖頃受聖神之褒而無一事有効以其心則朝存而夕亾以其跡則東敗而西辱惟區區羞惡有未或全喪而周儀朱書庶桑榆息補則天又瞽我左目而其右亦日以昏矣念台世鑿策遺音又烏得不悲嗚呼台世今竟已矣蚤晚入地行且奠哭而癘疫衰疾人事難必姑先以哀辭生有爵歿有謚則誅之古也否則哀以辭可已乎嗚呼台世愛我文久矣其知也耶其不知也耶辭曰

滌滌卞由子之孝也琮璜黼黻子之藻也蘭蓀蕙茝子之懷也淵泉卯楨子之儀也遐不大莖范衆甫也遐不大庸翼弘祚也而斂其餘閔一木也而食其報篤諸穆也天之穹穹地茫茫也有質有文自有名也有福先歸亦可樂也吾翁所愛逝胥覲也我老且盲曷獨久也哀哉台世其有遲也

碑

元方伯祭祭碑詞

丙戌十二月○自數年來邊山始許開墾而戶曹與議政

府並收稅民以為病元方伯仁孫啓聞只令納稅議政府環山七面為之立碑介李泰來氏要余文之余記元結為道州有善政杜子美有詩云祭祭元道州州民立亭曰祭祭今亦用此

例可乎泰
來氏曰善

祭祭元公三世有耀俾留而舍不頤以笑瞻彼邊山
仰止無極其何可忘於公之德

墓表

三槐堂安公墓表 丁酉

安公塵汝止甫初諱行耽津譜中祖祐平章事勦大
難配崇義厥子顯兵部長傳允基馳右相逮 昭代
有士宗亦夏卿追貳公承以起牧于定佐翼從宗伯
贈文靖止是其季實築運彌大施伯三胤通籍竝
曰季毅北部令參奉縮浸以室至良彥主簿卒篤生

義貞素操一齋徒勿齋號奉 聖幘完正史雖報微

別提已粵十葉斯曾祖官別坐名光宇虞侯惶武不

究考振榮幸有後妣朴氏胃凝川師南女克媿賢

皇天啓丁卯禊月之三日之二公以降于相濟賦至

性本天彝齒十餘外艱丁毀逾節如老成既靡恃又

柴瘠幾乎滅聞者嘖益先公咀神實歿其逝崇滯疾

慟曷極離可忘朱離離不或嘗慕終身伊一端兄及

弟樂且湛雖蚤孤尚交飭主文行外科式訓三郎忠

孝信人立心必此先我平生惟事是體父言其在介

庭有實鬱三槐步消搖心眼開卓風致茲可服胡五

頤齋表

卷之十五

墓表

十

旬不滿六臘月七觀大化從水落宅西坐配淑婢祔
允臧父金沙系金陵男三國孟則禎繫仲季泰若衡
南有壽辛萬煜李必輝三女伏禎出二世器昌泰無
嗣昌過房衡舉五世謙經熾協大成繩繩器續三濟
建淑奈宗祀婦不育子建子即處命餘不悉將承慶
維不佞狀勿爺嘻一家賢孔多表公藏何愧色徠百
世過必軾

崇禎處士義邨金公墓表

己酉

往 仁祖十五年丁丑實 毅皇十年而正月三十
日我自南漢下城則東曆不復崇禎矣越七年甲申

三月十九日 毅皇殉社則天下不復火德矣其一

時 明鮮節烈史已紀之鮮則允庵宋子所筆尤多
狀不幸筆不到非一若故處士金公南式君彥亦其
人哉公生于 神皇萬曆丁巳十二月二十六日丑
時當下城南二十有一已以三千里為讎人役為恥
廢舉不出遊于古阜郡南二十里毛助里用崇禎一
念終其世惟誨人是事士多興者遠邇稱以慕義之
邨君子之廬有過式焉有誅類焉公於是大者立矣
本之則有天賦秀異六七歲學于考卷不釋手語輒
驚人亦不以戲劇宗族期其遠大學既進孝友備至

甲戌哭伯氏南秀喪葬自竭語及必涕丁丑八月考
憂持制如禮庚子四月妣憂祔而廬歎粥平居與二
兄姊妹處友愛雍睦化及鄉里壬寅冬從仲氏南翼
及羣從弟立約十餘條荆墓閣置祭田養丘木其奉
先裕後也如此始意博學繼家聲既遜而自廢則益
古道自律介石不移淳厚粹潔令聞卓狀里有禮疑
亦莫不就質恒語人曰行莫大於孝悌忠信學莫急
於博覽勤誨士生今世曷不以此爲本若曰超躡求
諸誠可寒心卽其言可知其行也甲寅一疾多季賴
子履成至孝而差壬戌哭仲氏枕席有沾癸亥正月

十四日俗供糯飯患滯幾絕又賴履成血指得蘇十
五日乃卒壽六十七門徒並加麻四月葬本郡聲浦
面牛口尾艮坐戊辰移于高敞縣古沙面殿佛山先
塋甲坐其先新羅王子興光高麗有八世平章至大
提學楨則沙濟金文元先生長生所共祖也自是歷
判書光利判書仁雨縣令承吉寺正五行有承文校
理錫元其弟副正命元生 光陵參奉敦睦齋麒瑞
是生生員蘆滂景嘉蔚狀嘉隆名流于公會祖也祖
弘宇萬歷癸巳中全州監國文科官禮曹佐卽丁酉
素沙之役接伴 天將自典籍乞歸翌季除南原府

使而先已逝矣考汝聲通德郎妣恭人昌寧曹氏從
仕郎愿女進士參奉仁淑孫公配孺人高興柳氏故
處士許以易學在 孝宗升儲時受 手札諮盡變
勸之仕不就者其父也生癸亥正月九日辰時襲家
訓有壺範媿公德無違戊寅十二月五日後公十五
季而卒葬毛助本里後坎坐育一男二女男長卽履
成號市隱以孝錄郡誌次履綬二女壻魚史重丁文
舉履成繼男漢光二女壻李命植金墅履綬三十沒
二男夏光其季卽漢光漢光四男允貞允文允重允
明一女壻金應瑞夏光一男允剛二女壻趙師貞金

會觀允貞二男性王性澤允文三十四沒繼男性澤
允重三男性濯性澈性澂允明一男性濬允剛一男
性運性王一男國樞二女長壻梁錫璘卽蘆溪公內
弟松川應昂後餘不盡紀公乎之學之行固泯狀可
慨而孫曾以降四允昌之今性王性澂又克以祖武
相勉與胤錫善屬表公墓嗚呼 明遙鮮躬疇續宋
者千秋義藏幸吾猶及頌也

孝子進士永慕堂金公墓表

庚戌

公諱質字文素金氏安東大族自新羅敬順王至高
麗有忠烈公方慶入 我朝有翼元公士衡傳同知

密直陞至生員宗漢是公高祖曾祖貴德不仕祖通
贊乙萬寓南平縣移茂長縣凱歌里考福重亦通贊
妣王簿光州李元經女以弘治丙辰正月十五日生
公溫秀端潔孝敬本天甫讞已奉親如禮長益匪懈
潛心學問從師友間不屑功令妣病疽口吮禱應嘉
靖癸未考憂毀甚躬負土以葬而廬晨夕哭手饋獻
有鼠穢于醬公執甑以泣其夜鼠皆來斃恆恩考嗜
與必有雉一日無以繼又泣而自恣忽有雉自投日
淡糜無飢夜冷處無疾衆異之既荐居內外承重服
執禮累季如一日尋以妣命一就戊子試中進士三

等不復求舉及妣卒已四十八益柴立或戒以傷生
則曰因此以沒不抑命歟廬距家隔一坪一不赴孺
人金氏有所稟代以婢標而出諸林外孺人自詣愈
自屏不顧其哭墓日再如初一夜雪衰丈獨環墓無
點霏一鄉服其孝感因號其地爲祭廳山及歸築室
竹林中冠帶危坐究觀六籍尤拳拳孝經小學家禮
曰人不知孝是不讀此書者也至老猶引學子講禮
經祭儀兩湖孝悌之興多其力也河西金子麟厚額
其堂曰禾慕柳文節希春素慕公及知本縣驩如也
爲之記如梁松川應鼎奇文獻大升亦皆推重曰不

見金公畝知五十而慕者若公信無愧堂名矣柳公
又欲申薦知公不欲竟不敢內午 明廟聞公孝行
特褒旌閏乙卯十二月疾且革語門人參奉申命義
曰余既不及事君又無兄弟惟一出言一舉足不念
父母全而歸之者吾事也十五日卒附考墓右岡戊
坐後二百三十五年庚戌四月遷葬于本里右岡辛
坐所著有永慕錄六事自責說藏于家皆事親飭躬
之言也孺人籍光山參奉裕賢女三子士勗生員士
剛士勉俱無後士勗一子常 贈工曹參議常四子
景哲教授以孝義聞號隱松堂弘哲武王簿益哲宣

武從勳武王簿克哲不仕餘不盡記萬曆丁酉倭燹
酷甚獨於堂記戒無犯得免癸丑鄉人祠于堂址崇
禎中 天朝命林 本國行誼按使閔公聖徽以公
聞於是其孝達于天下 英宗辛亥大提學圃巖尹
公鳳朝又狀其行以其嘗謫本縣豔公熟也 上之
五年辛丑祠三修而多士屬胤錫上梁又九年于茲
教授六代孫昌白立石托以表墓嗚呼本立則道生
形大則聲宏觀公所得乎金柳梁奇閔尹諸賢者豈
無以哉山青青海冥冥有來千代知我述之無愧也

判官慕亭楊公墓表 庚戌

公諱希迪字吉夫南原之楊出高麗知郡事敬文八
傳至大提學以時篤行能詩見李牧隱稽 明吳明
濟諸公所紀子直提學首生早卒其妻烈婦李氏負
遺腹子南寓淳昌我 世祖封墓旌閭李文正紱立
之傳子卽縣監思輔也自是歷判官淵則執義子由
子其兄縣令子瞻次子進士梅堂墩是与本生兄龜
巖培并有才行南秋江孝溫稱之燕山政亂俱遜于
鐘湖散人洞之二釣臺刻東曰培巖西曰墩巖晚移
南原築光霽亭自寓其長子公健有子泗娶王簿延
安金巡女以 明宗乙卯生公秀穎異凡兒詳雅早

譽稍長剛毅宏遠忠孝自許有力絕倫或勸以弓馬
不屑也惟事親敦宗是務間念民國未始不太息壬
辰五月倭大至公慟哭偕同志柳學諭彭老梁學官
大樸往見高忠烈敬命曰此正效忠之時倡鄉兵勤
王何如高公握手欣欣曰子實先獲遂馳檄遠邇
約會潭陽時金文烈子鎰已見推右道義將矣乃推
高公左道義將而柳梁則從事官公及二從兄直長
士衡李正郎大胤崔正字尚重差募糧有司無幾公
與朴進士天挺為赴戰運糧將李崔為在鄉運糧將
時六月也高公繼金公北上公在陣又飛諭一路募

戎器糧馬及兵威以義罔後不幸高公敗歿錦山而
公以轉輸在塗不獲向非其志也朕自是又有金忠
壯德齡踵焉而湖南二義將遂聞于天下公雖偶違
一死而倡議督運其又孰得聞諸十一月用軍功賞
公奉訓郎內膳寺判官始公晚自阿山稍移城南之
寒沙峴考墓下晨夕展拜忌祀處齋室圭潔如在齋
罷盡甘肴不出洞門于遠代亦朕鄉人稱之曰慕亭
云配恭人慶州金氏執義士傑女 贈參贊璣曾孫
附公葬木瓜山午向二子長震南次起南主簿一女
壻吳積縣監庶子斗南茂南 贈掌樂正孫汝楨通

政長房出汝纘次房出曾玄以下不盡記今六代孫
重元伐石表墓嗚呼趙孤山慶男錄其忠矣余又并
孝行刻之千秋萬世其尚式旃

墓誌銘

梅軒處士朴公墓誌銘 并序

長城爲府於古一小縣爾乃鄉英國秀史集不絕書
有篤行好學憂時憤賢而不幸未中身無一命以終
者曰近故梅軒朴公行重汝固其一也初祖羅王會
密城自高麗夷靖公說傳縣丞昌密及居仁兩世則
謫宦仁義縣因居稍移泰山縣爰有承奉麗以讀書

絕科宦人稱義士子德明副司正武科止三品始居
本府其子衍生 端宗大護軍也智而勇為 世祖
初潛所知遇至渥顧不樂遼澶陽府月山及革除累
有徵遙錄佐翼從勲猶不起不復強既改貫泰山又
莽于遼卽權節元昊二公者何遼焉是生文雅亦大
護軍 贈左承旨再傳至高祖守溫 慶基殿參奉
有仲弟守良右參贊行勲典文孝廉謹實 中 仁
明三朝名臣而遺命勿請謚立碑其治進亂進不
惟謙而已河西金子直以所目擊謹誌之俾百世求
厥微旨云曾祖士珣禦侮祖尚義司宰監王簿壽折

衝有卓行神識 天朝經理楊鎬東來特迎禮諮訪
名天下今國人所誦牧堂西山之與者亦莫之先則
一家德美有自來矣考允鑑軍資監參奉初娶高興
柳永海女舉一子繼娶僉正黃州邊順中女舉三子
公其季也以 崇禎辛巳我 仁祖十九年十一月
十二日生于梅谷里第幼已克孝朝夕左右愉婉愛
敬自溫清甘旨凡可以慰悅者靡不用極父母愛之
安之甫娶亟命幹蠱就養而母性嚴有不悅則下氣
柔聲得解顏乃退佳辰辦美羞與家人鄉老極其歡
父甚樂之其預會者亦設具回答以助公養志父踰

八十不衰能筋力為禮人以為孝感 顯宗甲辰丁
母憂哀而毀非省墓不一跡廬外庚戌父卒亦狀素
清羸善病而平出六棹不董桂苟喪與祭必躬泣不
以人代眾以之憂卒無它終祥猶切切餘哀遇先忌
前期齋沐不諉諸疾距屬纊未遠也亦自力跨馬就
前川以浴考妣所嗜或非時物致于祭乃悵母慟伯
氏早世于仲叔友愛尤篤既相繼折則益自悼伶仃
令節有倍者父末歲欲別析止以賞公則舉同氣子
職以辭其所與器用而有應屬宗家待喪畢歸之伯
氏并其子既不及傳重而考之喪家孫濟又未成立

公乃自立廟齋家使王宗祀因以舊傳喪祭或從先
從俗不古若者就松巖奇先生挺翼質之釐之一遵
朱禮為定愍先墓親盡倡宗人歲祭遂立約買田為
可久也從子台華早孤育之猶已出甥女幼喪母撫
以嫁以時率諸宗修譜自序反復一本之理而勗以
睦朋舊無力於死者為之葬無所於歸者為之館亦
皆人所難者原公天賦固忠厚直諒而又實志問學
於大學中庸用力最多而一念操存務本為先有詩
示子曰道自仁親始理因格物明一生須慎獨修己
總由誠其間而章如此少為親治舉業未老去之雖

未始崖異立行以求譁衆而達官之門不或造其所
游必一時清流也若義理取捨尤極其嚴凡世味一
切泊如逮永感益無世念人亦鮮有刺者惟里舊名
梅而庭又有古梅日吟咏以自適重以顏其軒自寓
而詩而序之其高標遠韻自分天放於山野而講服
松巖得尤庵宋子之緒餘則古人不果忘世之義亦
素所蓄積故聞 朝政有闕忠賢不容輒憂憤忼慨
不自抑 肅宗戊辰患宿歿至己巳轉劇則羣凶交
煽而士禍作矣病枕啜咽有詩當鉞無幾尤庵與文
谷金文忠公定齋朴文烈泰輔先後翊 聖妃歸全

又各遙哭之以詩而言言激烈足令懦立竟以其十
一月十一日卒壽止四十九前一日語諸子曰吾且
死矣恨未見先墓石刻之成公嘗自爲陰記刻未完
故也庚午正月葬于府北龍門洞先兆右岡已坐子
若侄乃克畢石役俾遺志無憾幸哉配羅州鄭氏文
靖可臣景武軾之世父泰瑞祖涵斥廢 母凶疏不
復出鄭氏生先公一年十九歸媿德有可紀後公二
十五年癸巳壽七十四而卒別葬里後甲坐有五子
至華先華始華大華亨華內外孫曾克嬪朕不忝遺
教公之不倉之報其在斯歟曩 英宗戊午大司諫

清風金公致屋直道責秦仁縣厚齋孫也先華草家
狀謁誌而不果就茲公家孫忍齋璘季子鳳岐氏永
惟先故謂胤錫王父兄弟亦尤松淵源也來以命之
發幣三歎其忍終辭銘曰於梅翁卓矣貞矣展也習
松巖慕尤庵而不孤河西之里仁我是作詩庸揚厥
靈翁耶梅耶尚千春交與之馨兮

忍齋處士朴公墓誌銘

并序

忍齋處士朴公璘子潤新羅王冑密城人中世有高
麗贊成事夷靖公說後二世謫宦仁義縣因居稍移
泰山縣有承奉麗末義士子副司正武三品德明始

居長城府生大護軍行生事 端宗有智勇 世祖

初潛欲伴預靖難而遯潭陽府月山既禪代累徵錄
佐翼從勳終不起改貫泰山一子文雅亦大護軍

贈左承旨歷四世至高祖尚義司宰監主簿用優老
折衝有卓行能仰俯觀察人神 天朝經理楊鎬禮
致之幕府有事必以詢名聞天下曾祖允鑑軍資監
叅奉祖行重號梅軒篤行好學憂時尚賢為一鄉所
重考至華孝友趾美妣靈光丁熹女奠城君替後賢
淑有閨範以 肅宗十一年乙丑十二月九日生公
于梅谷里第純粹沈重幼不好弄事親誠禮克備有

疾則不違寢會丁酉父喪初終諸節一從家禮哀幾
毀墓所稍遠而日往省寒暑不以廢益三年如一其
所拜跪草爲之不生過者莫不指承服吉猶切切以
哀晨謁廟朔望薦雖窮節酒果一二器必無闕又克
新其廟凡瓦木丹雘階庭之治俱致于精矣而重手
帚未已曰先靈所安不如是無以愜子孫之心也奉
偏母志物之養益至 英宗癸丑母憂年迫不毀願
哀戚盡制感動隣里每忌祀先期澡潔酒饌之供多
自泣者守邱木甚勤倡宗人置田以爲遠祖之香火
窮族之喪葬則規畫井井亦莫不得宐其于諸父母

必推以孝敬諸父既貧窶公則不計自己豐約竭力
周養不至飢寒而大歎尤致意焉諸母歎曰非吾從
子之賢吾何以活仲父公巷至庚申周甲而力無以
慶宴公爲之傾貲設具大邀鄉人一座歌其事率多
歸美于公益爲公善於諸父母非一日故也其喪又
皆自辦不委諸其孤平居迫朕不甚爲斬截矯激之
論有以事問者則曰吾意如此第未知得失何如爾
以故出入內外無不各得其驩而至若大是非邪正
之辨必凜狀不可奪臨財務益分明非其義也毫不
以取人人亦不敢妄干見惡若將浼焉聞善若已有

之里有不順其親者公即開陳倫理其人立感悟改
行奇公復隣友也松巖先生挺翼子也亦有賢行與
公齊名鄉人有過必相戒曰勿令二公知此足以知
公矣公少讀書之富發之詩文宐其大噪而終不利
公乃安義命自廢猶沈潛經籍老亦不懈誠諸子曰
人而不學則無以檢心修身而自入於不義可不勉
哉大司諫金公致厚謫秦仁縣聞公名貽書請見公
答以詩而已而金公和之許以知音既一見復如舊
云公素味古人忍德二字以牘其齋又取張氏百忍
語作詩揭之其淡於忍可見故士友遂以爲號庚午

五月疾且革顧家屬曰吾平生庶無可愧曾子知免
之訓雖不敢僭引而今益知其有味耳竟以其六月
十二日卒壽六十六聞者咸曰善士也矣九月葬于
府北城峙艮坐配瑞山鄭氏判書珣後東耆女有婦
德一家稱以兩美生癸亥卒乙亥壽七十二別葬府
西冠正洞坤坐舉三子鳳周鳳休鳳岐一女壻成洌
諸孫若干人胤錫竊念鄭氏即我家自出少與三兄
一姊鞠于我王考實內兄故也兩家嫻好於斯爲篤
而先考晚隱公又夙及公有年鳳岐氏茲示朴氏濬
所爲狀屬以誌嗚呼其何以非其人諉諸銘曰是惟

梅翁之肖孫忍老之衣履有來茫茫其知庶乎予足之啓也

晦邨金公墓誌銘 并序

自文靖金子道學文章節義之備而九庵文正宋子銘其神道大牌我雲樓金先生倡文廟應享之論則蔚山之望之著亦東表發源而爲其後顧不難矣乎卽一命或有或亾而惟其賢而肖乃可若八世晦邨公邦烈英叔抑其人哉公會祖翼瑞當吳三桂檄到投筆授備邊司武郎則選也而非其好祖冒賢錄宗祀止唐津縣監考承祖通德郎號遜齋嘗以叔父旅

櫬歸在路天大風以雪徹夜不離晚之李文正先生書樹文靖顯刻而不以貧爲解用篤行累擬官無及君子惜之妣星州李氏涑女 太祖駙馬景武公濟裔以 肅宗壬辰三月二十九日子時生公于長城府北白巖山陽晦邨之址第公質美性孝自孩提已知愛親三四歲游嬉亦有度親所命必行乃已一飲啖不先進不嘗坐卧恒于親側及季氏生不得不免懷夜耿耿不寐妣爲之舒足聽其抱持得睡人謂是天生孝子云八九歲益溫清匪懈親有疾色憂躬扶常取古人言行誦慕服行曰不孝不悌人而人乎考

甚奇愛之既有室則祖妣韓淑人篤老又多同產考
命公異宮請曰支孫而奉祖母幸矣以替奉親可乎
既迎養以誠淑人悅而安之又必日歸省所寒暑雨
不以廢至或力疾丙寅冬考自寓蕙疾則晝夜焦熬
嘗糞所指顧無幸叫絕而蘇逾月淑人亦切伯氏實
斬齋持重而公專守考殯哭泣幾殊猶縗絰畢由以
為常雖婦子疾故謂空歸視者不遠從惟時見于妣
吞涕勸粥欲其寬萬端其葬于福興廢縣華蓋山先
兆也越峻嶺十里日入洞望墓輒潞淫哽咽或躓而
失步外除始奉妣別養務樂志不止極味妣時就伯

氏則又三時起居每晨昏竭來有猛虎或隨或伏若
馴者而人往往危之其有事不及至妣亦恤狀躡門
外以須妣既耄有不安節公且非少日矣而衣帶樂
餌不頃步出外有思食者必竭力致之乃自以稍安
睹聞所及莫不為公感動而公顧自視欲狀行一事
必審義理發一辭必則古先以之修己則惟擇善固
執而不中者益鮮以之御家則無疾言遽色而不理
者亦寡與兄弟無物我相形而視疾病殆至廢食與
宗族無親疎大問而共憂樂若在躬交朋友也信
義是篤誘後生也孝悌是崇有文學操守者齒雖少

敬之如達尊有頑惡乖悖者事雖細責之如大慙于
貧之喪威而賻祿之如禮于流離東餒而振助之極
力以田主求退者無播種移秧而還之以賢裔行乞
者資衣食居處而與之跽庶微矣隨善惡以為勸懲
僕隸賤矣察飢飽以為使令平居接卑幼尤長於訓
誨煦煦懇懇和氣藹狀而有過則不少饒於子姪亦
委曲董飭各先因其質之所近而利導之自學語已
教以文字以至灑掃應對進退坐立日用常行之節
與其他可法可戒者一切使之熟口順耳而錢穀博
奕不令或經心手其不率者乃入於榷楚是公一身

而孝悌慈信嚴正之德昇矣本立道生空無適不爾
狀其所以致此者亦豈徒哉公固不事辭章而祖先
逸事既一一校錄 本朝諸賢學問出處之大與夫
羣奸情狀曲折之詳則又抄示子姪俾有從違而凡
歷代史集通中外古今可以翼經書開蒙部者亦必
手自精寫無一字老草幾三十餘卷是雖餘力之及
而知行所資有不可誣也故其朝夕以語二子有曰
吾之望汝本自不淺功令之文仕宦之塗亦豈非為
孝者顧惟是汲汲而不留意進步於實學則固陋而
已下等人而已先文靖家學汝須景仰而私淑而當

世山林長者亦有可以爲歸待汝成長無遠近請學可矣奈我疾病侵尋恐未見有立何乙亥二月猝毒癘甚欲則長子益休士謙灌指血得汗凡三日少愈而病有加矣猶恐妣驚動強自振問候初七日竟卒續息將絕亦呼母氏再三子女俱幼孺人叩胃請家事不答惟喉間略約作聲曰不孝不孝壽僅四十四五月葬家後山壬坐孺人水原白氏王峯光勳六世也父泰庵受珩有學行重望見公言動嘖嘖曰真文靖肖孫哉孺人天賦柔和幼亦孝悌及歸推孝舅姑婦道周至言語簡默喜怒不形恆自居謙順事公隨

稟無或專者遇父母忌辰先三日齋沐若親祭鷄初鳴哭位盡哀理內政有法不嚴而成教子女慈而嚴待人寬而人自敬處族戚雍睦而不拘拘利害有貧甚者隨有無周給若已當之御僮僕亦惟恩義不惡言或加上下內外驩如也蓋雖有事可怒者猶婉辭責譬語音不出門外自公卒哀毀漸瘳帝姑氏忠養有加人又莫不曰孝婦壬午十一月宿疾作則士謙又嘗糞斫指而竟不起距其生丁亥五十六矣癸未三月葬朱巖新埧子坐無幾伯氏移考葬于北頂至甲申公亦移孺人墓稍上子坐而合之是年考猶祔

也士謙承二世仁孝之風亦文靖敬畏之法幼而能詩長而成文旋又就雲樓先生學焉博約崇淡師友重之用進士別薦授 徽陵參奉古所謂歷職非任者也乍赴而歸不幸四十九而逝士林稱為水樓先生次子履休亦有兄風出後從叔父今以公行錄來二妹婿朴聖漢羅得文士謙一子宅煥有雋才先士謙五年而夭僅二十一女長適姜在璜次未行履休有三子二女朴女一子敏植羅女無育宅煥一子星元甫十一歲積慶之報存哀之伸天其或者於是乎嗚呼文靖之後宥有遯齋遯齋之胤宥有公而公之

賢父宥有士謙爲子以士謙推之則醴源芝本有可以知公矣惟胤錫無狀雖未及一拜而先故之篤識士謙童卯則公亦亟過我先子于晚隱齋以士謙爲托而先子終以女妻之公已先四年卽世矣士謙乃不鄙許我麗澤往相約爲兩翁誌銘及其將終又奉拳面托以斯文衆莫不悲之胤錫老矣復左盲未死而逝者有知實不忍已諾嗚呼斯文在茲孰爲吾翁銘者重可悲也遂追號晦邨而係以銘銘曰於晦邨古之孝父是繼祖是肖克啓子光厥門將百世燾仍雲有我詩質定勝陵谷賀日星明於公孝此其藏民

好談尚無傷

墓碣銘

僉中樞永慕齋金公墓碣銘 并序

蓋我 肅 景 英三朝湖外士大夫亦嬪朕多吉
矣有篤行好學敦禮衛道不求知而人鮮莫之知者
曰近古永慕齋金公道源德浩其一也公本尚州人
上祖甫尹需弈世官謚六傳而贊成事召封商山君
子中郎將忠四討倭有功移封莫城君自是世居靈
光郡以為貫後復舊歷二世至領中樞竹軒云寶累
剿倭有先祖風佐 太祖錄從勳又歷司宰令法生

判官仁度府使孝根參奉益修直長大鏐則石泉亭
進偕錦山七伯士從重峯趙文烈先生死于壬辰子
廷望慟不獲同死視下成陽家為有歉也自牘羞下
堂寔曾祖祖副護軍尚說錫緋王考通德郎萬銓號
默隱有賢行娶光山金光瑀女以崇禎再壬申十一
月二十八日生公于郡東磨田里第天性至孝自三
歲便日省父母故小字省三兒戲為俎豆禮容六歲
就羅公重綱學是遂庵權文純門人有鄉里重望為
餽歲饌一盤公不嘗也請一紙緘以遺親一座嘖嘖
七歲大書忠孝字張于壁間學仲父不數年詞業自

進又師李公生三及從兄西湖白源講論經義十五
始有志性理學將往質遂庵適父病不果繼以母病
與弟命源禱天嘗糞幸得微効而七年侍藥學有不
違其或少間必以難問于朴遜齋光一嘗依先楸建
花石軒屏居讀書倡隣友作會立約朔望分揖乃講
時設鄉飲酒禮平居淡衣端拱危坐恆誦古人儼語
讀聖賢書所學何事子當孝而臣當忠履古今禮為
抱非他常蹈仁而變蹈節二句亦書諸座右此其志
也有小宗孫奔走不奠居公則奉祖考妣神主自祭
之先塋為宗人所訟公八年於外不巾櫛生男子不

視竟致其直己未外艱廬墓下名曰永慕齋踵有追
遠臺風樹亭二名以寓悲逐歲雇役補填墓域手植
松檟鬱蒼奇觀置祖考妣祭田立約示子孫永久并
先世歲一祭亦狀閔外祖父母不祀亦為之置田守
護辛未內艱公已六十矣不薑桂成病不克廬墓而
晨昏瞻掃無風雨寒暑服吉因王父遺墟築肯述齋
居之以訓子侄晨必謁廟庚辰京嶺諸宗用商山合
譜公又見推管本道或送季子赴京底于完亦一造
錦山省義塚從容祠是豈惟祖烈之慕哉 國有大
喪必倉素葬而乃已少也已無世念至廢舉不出而

事係斯文大論靡不與已亥為李益齋齊賢李定益
師命祠事倡議辛酉為尤庵同春兩宋文正從享倡
疏洞舊有李杞泉喜熊所創鄉約實呂朱遺規而逾
百年糾俗禁松必擇人為長以歸之公公之賢可徵
也顧未或彰人之惡亦未或枝害而清貧自安惟樸
儉是尚杜戶脩狀不求聞達鄉之士友益敬重以薦
于郡公不得禁則手割名不顧人不敢復薦癸巳用
優老 恩授折衝將軍僉知中樞府事告廟望 闕
氣力猶健甚中秋祭墓忽疾作卻醫藥曰天命盡矣
家事無可愛言吾當從容而歸越三日竟卒或稱仙

化是八月二十一日也十月十日葬里前丙坐配耽
津崔會女栗亭鶴齡五代孫正言四勿玄孫孝舅姑
辛丑火賊燒延于廟冒死奉神主得免身亦幸完人
謂栗亭有傳生庚子卒甲申葬里後甲坐從先妣三
子興靈興新興龍諸孫若干人嗚呼公之在世八十
有二年而德進業修靡日月不爾彌高彌邵雖閭亦
章觀守家庭之化鄉邦之頌可知已彼世之用不用
何足道哉胤錫辱興龍同門之厚恨不及一掃公門
乃力疾屬筆不空辭也銘曰維管有言誦讀而人可
知于詩于書公則在茲言何其懿行何其朏壽之者

天窮之者人畸人侔天亦公謂矣有過必式兒或慰矣

水樓翁墓碣銘

赫赫湛翁近生知知朱之直闢陸惑無往不復發水翁傳氣傳心一派足九葉而降何乃遲四紀而歸何遽促孝悌通神疾已原敬畏終身學已熟鮮矣遺言不違昌雲公翁統緒猶攸屬其弟狀之其友銘萬世非諛石岑岑

頤齋遺藁卷之十五

頤齋遺藁卷之十六

行狀

五代祖考安邨府君行狀

府君諱以厚字久而初諱載厚號安邨黃氏之望不一二其最古莫若箕城今江原道平海郡是已直郡東七里濱海有越松亭者亦曰月松始祖東漢學士諱洛當建武四年奉使南國與丘將軍大林漂到新羅實儒理王五年自稱將軍因居亭北坳山之下西厓柳文忠公集及郡誌遺墟祭壇碑有紀迹其後有三兄弟或云其子也仲乙古移昌原季丙古移長水

而伯諱甲古仍世爲士姓至勝國尤顯偉人大官相
望惟昭穆佚焉可譜者有諱淑卿純誠亮節輔國功
臣重大臣參贊議政府事平海君仕至正洪武季歷
監察司大夫開城府尹密直司副使東北面都巡問
使兼和寧府尹事在龍飛御天歌牧隱集高麗史東
國通鑑是生諱吉源人 本朝通訓大夫繕工監正
淑人忠臣龍源府院君襄烈公漢陽趙仁壁女其母
貞和宅主 太祖長姊也自是五世并列氏族源流
是生諱坤通政大夫工曹參議始葬春川府見本府
司馬所題名淑夫人寺丞驪興閔淑亮女平章事文

景公令謨七代孫是生三子伯允元由郎署臺閣泣
三陟襄陽府卒官寺正四佳徐公太平閒話稱之爭
崖金文平公守溫記竹西樓之燕謹堂曰新太守黃
先生錄輿地勝覽仲允亨經縣邑郎署參議至府使
季諱允利通訓大夫行鎮海縣監當世目以三珠樹
又有二女婿縣監李涓圃隱鄭先生外孫及生員崔
庇甥大司成姜老俱以文學科宦著焉兩世載登科
錄鎮海淑人 陵直全義李于藩女孝靖公貞幹從
孫于成公三問母爲內姊妹是府君五代祖也高祖
諱任通訓大夫行江西縣令與靜庵趙先生弟牧使

崇祖連袂淑人尚州金氏牧使 贈左贊成士元女
左議政東園貴榮姑石灘李公存君外五代孫父子
官不達益坐媼黨云曾祖諱守平從仕郎事親以誠
睦族以和鄉黨親戚無一怨惡既累世家漢京或依
楸春川至是嘉靖乙巳之際不樂輦轂常南游全羅
道興德縣婦家別庄以己酉卒始葬古阜郡南十五
里桃李所本縣境也孺人 璿源李氏巨山令拱女
敬寧君齊簡公祔玄孫祖諱紐奔考喪因寓補西班
散階優老覃 恩陞通政大夫淑夫人康津金氏訓
導若愚女判官希說孫別葬本縣東南十里王輪山

伯父應中經術明秀孝友純至二十三而夭有禮鈔
譜略傳焉其配崔氏奉事活女己卯賢良進士弼成
從孫夫喪不食以沒 宣廟命旌閭考諱處中朝奉
大夫濟用監僉正養親不懈病而喪極其孝伯氏在
文行相飭其匹則及欲大歸京第萬曆乙未筮仕年
二十七矣丁酉持考妣服度倭寇再擗挈家口三十
餘避地春川南內面舊婢延德及其兄延孫家在寓
三年所需悉其所辦者蓋有臧獲將宅而旋又就食
南下其定居昉此四十一卒從葬從仕府君兆西岡
妣令人麟蹄李氏宣教即仁榮女參奉秀芳孫三司

左使德林七代孫也府君生於己丑二月二十三日
幼有異質天性和順四歲而壬辰寇至九歲則弟克
厚六歲偕隨考妣春川已亥又隨來本縣既省事奉
親樂志安寢就養無方疏節亦備至愛弟必以無相
猶焉嘗慕伯父賢其書跡存者謹識勿失自念家世
孤羈發憤讀書將大肆其力甲辰府君十有六乃題
先系下方自警有曰觀我世譜內外炳耀而落魄窮
鄉淪沒草萊良可歎也竊欲登第以顯父母而志業
蹉跎本已二八所謂大賢之後竟陵遲者余當孳舜
鷄惜禹陰以繼先祖之業刻心了生有不忘也其自

勵如此文藝夙就遍工詩賦而詩尤長前輩批評者
輒以鏗鏘可愛許之筆勢亦整密無浮軟氣累魁場
屋必屈其曹偶卒無成公議以為冤己酉十一月丁
僉正府君憂辛亥吉先妣為子女析產于府君別有
加焉舉事行賞之以恭曰父母之命少無違逆勤工
鍊學喪葬祭盡誠私貨不有也府君在座前見弟有
幾微色徐曰若以我所獲者勝乎是無愒立以換先
妣每涕沲說此事時五賢新從祀文廟府君謂其盛
舉也手錄本縣所享先聖以下東西四聖東西壁新
舊十三位次用寓慕初擬由科進不墜門戶至光海

政亂則自廢不出盡室往王輪北報恩里故報恩寺
今呼保安里爲通先塋又小莊可耕爾乙卯要村王
簿尚義卜居其旁爲終焉計以暇吟嘯林阜適朕自
適督諸子謹勅糾初學經史鄰里無貴賤皆歡薰德
而善良者有之府君雖韋布草莽以世祿舊胄屬
國事可憂恒拳拳思移忠焉天啓甲子李适反仁
祖狩公州靈光郡守元公斗杓講討賊策二月府君
共南中諸名士馳文九都會邑大募義兵若穀事方
就而亂已矣乃止丁卯正月金人渡入平山府上
幸江華沙滌金先生爲號召使陪世子分朝駐全

州倡士友起義府君又與弟及同志隨力募之如甲
子會講和納穀行朝而退自此並警連歲府君曰
丈夫當一死耳宗祀不可絕造船海上爲家屬不虞
地庚辰十二月丁內艱府君已逾五十矣毀于喪竟
以壬午十二月二十三日卒後大祥纔二十二日享
年五十四明年八月二十二日始克葬從仕府君兆
下丁坐之原蓋府君恂悞樂善有古人風孝于親矣
友于弟矣末乃不以古人之不毀而哀戚之過遂沒
其世况其勤學重道潔身昏朝微旨隱狀可觀乎至
若前後義舉所樹立尤卓則雖未及暴著如壬丁殉

國而其心亦一而已世之切切狀異視者宜未為
確論也獨恨少而蹟老而泯終無一命之及焉得非
天哉府君元配李氏亦 璿源副司果克授女察訪
晚翠堂黃鐘孫府院君襄度公天佑八代孫舍人驪
興閔德鳳外曾孫丁亥五月十五日生孝順有婦德
舅姑愛之于歸奩資甚豐分妯娌不吝也戊寅四月
十四日卒享年五十二己卯二月二十一日葬公在
府君右舉六男二女男長宗燁次宗燁次宗煥次宗
炯餘二並夭女長適李國弼主簿振文孫判書洪可
臣外曾孫次適趙光璧宣傳克謹孫進士中立曾孫

繼配長興周氏丁巳十月生寘居四十九季嚴整有
法度宗族肅狀以我王父為嫡曾孫也常呼少字而
曰吾雖有已出而支子也某雖非已出而宗統也安
得不愛重已已我王母以新婦見則又甚喜曰此吾
家奉祀曾孫婦也人謂之知大體庚午十月十三日
在報恩里卒享年七十四我王父實服喪三季葬祔
府君左舉一男宗燭宗燭早病自修事繼母孝娶
贈執義李嘉女亦主簿振文孫 璿源也十清軒金
文簡公世弼其外五代祖有一男五女男世基號醉
隱我曾王父女長適洪禹澤參判思發後次適李旌

舉進士灑掃堂之遠子次適洪聖源亦參判思發後
次適徐耆吉參奉鳳翎從子次適鄭東耆僉正振南
曾孫側室一男世垠宗燁二十三沒發解者三娶姜
恂女正言億玄孫有一女適李雄翼卽雄舉從弟宗
煥娶壽爵通政大夫趙碩女生員克訥孫亦進士中
立曾孫左議政貞靖公金國光外七代孫有一男四
女男世埴女長適呂爾老次適進士李后亮次適曹
振後次適吳墩宗炯二十五沒娶崔廷尹女主簿守
孫寺正英俊曾孫有二男一女男長世堅次世城女
適李必培宗燾娶金某女無男一女適沈光老側室

一男長世埴次世埴李國弼有一男一女男意世通
金鳴夏河西先生後趙光壁有二男一女男長際次
悅次懋女長適鄭萬輝次適鄭贊增醉隱有文學氣
節 肅廟乙卯愍世衛道逝而終其二男長載萬我
王父次載重號龜巖負道學重望己巳士禍偕伯氏
奔突九齋宋先生于井邑縣棄舉業終身世埴少學
于醉隱孝友高潔見稱鄉里其一女婿安晚遇縣令
汝器子世堅亦學醉隱才稟甚高世城儻不羈中
武科我王父一男墀我大人安晚遇六男長致弘次
致應進士次致宅持平次致東次致屋次致堂內外

曾玄不盡記大約不失府君遺教矣嗚呼府君之卒
今一百二十四年距古浸遠衰落已極重以我王父
兄弟屢厄嗣續搬移靡定而諸大父子孫亦希有自
係者舊傳文字闕佚多焉府君德美何能得述萬一
哉尚賴醉隱所錄龜巖所記湖而上之府君先妣券
中之文與夫平日筆端之畫亦稍稍可搜縵裝篋糊
無或遺也磨之汲冢魯壁復出人間則幸矣及本縣
戊寅誌湖南募義錄二書者成而儒賢諸先生又從
而發揮不獨一境之興誦豈府君幽潛有待而章歟
我大人既悉撫爲遺事以詔釋昧而其尾特提大者

兩端曰府君之孝所謂人不問於其父母昆弟之言
者也府君之忠所謂十室之邑必有忠信者也惟孝
與忠此其秉彝而非有問學之根基義理之澆灌則
鮮不喪其良心而駸駸於遺親後君之歸矣府君孝
既篤於居家忠亦切於衛國雖是資稟之使狀而讀
書之力烏可誣也即詩文清麗固餘事爾不足有所
重輕而記不肖幼時猶及見府君遺藁于龜巖宅衷
威以來不傳焉其魁科詩數句每耿耿心目殆一齋
之味可識全鼎者歟將營樹石以圖永久惜遺澤未
斬而弱裔已無力九可痛也已嘗聞屈於近者信於

遠其狀其否姑未可知耳抑今日學士大夫以文章自命者有之獨我安持平兄府君外玄孫也文雅望實亦為世所推不朽之托豈可捨此而他求哉小子胤錫於是乎有感敢用親命叙次之如右百拜以請裁擇謹狀 崇禎紀元之一百三十八年乙酉六月

日五代孫胤錫狀兩歲十一月丁卯朔夜胤錫夢得謂我五代祖考號野隱此何徵焉竊惟府君遺事世遠失於紀載者不特一二今其二字之號或有所憑據歟抑夢寐隱約不可信歟既覺不勝感歎謹識于此

曾祖考醉隱公行狀

先生諱世基字子平晚歲自號醉隱亦曰海狂我黃

氏貫江原道平海郡古箕城也上祖東漢儒臣諱洛建武四年奉使交趾漂到新羅當儒理王時自稱將軍因居今郡東越松亭北麓遺墟在焉其後三兄弟仲乙古移昌原季丙古移長水惟伯諱甲古仍世為士姓至勝國尤著偉人大官不絕書有諱叔卿純誠亮節輔國功臣重大臣參贊議政府事平海君仕至正洪武間歷監察司大夫開城府尹密直司副使東北面都巡問使兼和寧府尹事見龍飛御天歌牧隱集高麗史東國通鑑生諱吉源入 本朝通訓大夫繕工監正淑人趙氏忠臣襄烈公仁璧女 太祖甥

也生諱坤通政大夫工曹參議淑夫人閔氏寺丞淑
亮女文景公公謨七代孫生三子伯允元自臺省卒
官寺正嘗理三陟府竹西樓之燕謹堂垂崖金文平
公守溫記之稱新太守黃先生仲允亨由叅議卒官
府使李諱允利通訓大夫行鎮海縣監又有二女婚
縣監李涓圖隱鄭先生外孫及生員崔庇并甥大司
成姜老俱以文學科宦著焉鎮海淑人李氏 陵直
于藩女孝請公自幹從孫於成公三問母爲內姊妹
生諱任通訓大夫行江西縣令與靜庵趙先生弟牧
使崇祖連袂淑人金氏收使 贈左贊成士元女左

議政東園貴榮姑石灘李公存吾外五代孫兩世官
不達益坐媼黨云生諱守平從仕郎事親以誠睦族
以和鄉黨親戚無一怨惡自先累世家漢京或依楸
春川府至是嘉靖乙巳之際不樂輦轂常南游全羅
道興德縣婦家別莊以巳酉卒于莊舍始葬古阜郡
孺人李氏 塘源巨山令拱女敬寧君齊簡公裨玄
孫寔先生五代祖也高祖諱紉奔考喪因寓補西班
散階用優老 恩陞通政大夫淑夫人金氏訓導若
愚女判官希說孫曾伯祖應中學術明秀孝友純至
二十三而夭其配崔氏己卯賢良進士弼成從孫夫

國朝
喪不食而毀旌閭曾祖諱處中朝奉大夫濟用監金
正養親不懈有至行萬曆丁酉持考妣服避倭歸春
川旋復舊寓其定居昉此令人李氏參奉秀芳孫三
司左使德林七代孫祖諱以厚篤孝勤學累舉不中
悃幅榮善有古人風天啓甲子丁卯之亂偕士友及
弟克厚募兵穀以義湖南募義錄其跡載焉孺人李
氏 璿源察訪黃鐘孫襄度公天祐八代孫舍人閔
德鳳外曾孫天性孝順舅姑愛之繼周氏嚴整有法
度考諱宗熾早病自修守靜安貧奉繼母無間所生
與人未嘗有惡言自南漢下城後國人浸不知有

皇明而丙戌樹石先墓特標崇禎十九季削時用順
治虜號不書識者取焉妣孺人李氏亦 璿源副司
果 贈執義磊女長川都正普生七代孫己卯名臣
十清軒金文簡公世弼外五代孫貞靜有婦道崇禎
元年戊辰六月初六日乙未丑時生先生于本縣龜
壽洞里將媿之夕先妣夢黑龍飛入寢室蜿蜿門屏
上俄漸微小既覺大恨知當有異姿剛德而終屯也
先生生而秀偉性且穎悟周歲外王父已期以黑頭
輅軒甫學語先妣將五顆柿試之初度曰能一時並
取否先生聞命跪卽於兩腋各挾一又口含一徐以

兩手各持一而起先妣大奇之五六歲便知讀書七歲賦詩輒驚人
家距外氏不數里先生間從外王父學外王父出書籍筆硯諸具加賞焉先公於世無所求獨常責勉先生曰吾家忠孝文獻之傳不甚草草顧落南數三世緒將墜矣門戶之望惟爾在或施榷楚稍長亦不廢先生一心將順日攻文劬行十餘歲出就長城府進士奇公震鐸請益奇公即先公中表兄弟也見先生器之不以凡兒齒其仲子松巖先生挺翼亦待以畏友先生于書讀不過三徧能不忘或試以離騷經益幼未及過目者應聲一覽立背誦終

篇不錯以至通鑑潘氏總論新歲曆書并下閱暗記同門號多才子莫敢望先生最嗜尚書論語屈班韓諸家言兀兀窮晷夜則懸髻以警睡若頂籍傳原道大篇必讀百周圍一字從頭徹尾以為率其勤篤如此終能貫穿綜博高步文苑非特才識絕倫實亦誠孝所推也外舅金公鼎鉉丁丑之亂自京寓扶安縣梨橋里先生年十九住甥館會方伯設都會其邑先生為所強赴焉一落筆遂居上游聲譽藉藉一路文士如金佐郎澤皆在下自以不及每入試院指無先生屈者丙申中進士初試游京城學

士大夫競欲開閣致之華谷李相公慶億自宰扶
安已識先生益禮貌焉先生志氣慷慨俯視流俗
惡惡之心出於天賦以勇義自許以子路自擬屬
孝廟盛際羣賢蔚興清議方張先生雖處下邑亦
自奮發曰士生今日求舉將以有爲若回互與軟
何以在立於是益持風裁無論中外貴賤一有不
美必顯言不饒激濁是務以此忌嫉者頗多先生
處之夷然不芥諸意暇則諷誦舊聞始有志就實
尋常吟咏亦以學問修省爲歸有曰人非學問不
爲賢學問何先誠意先意苟不誠無足道欺人欺已

又欺天其自戒則曰學問爲言衆笑嗔慎卿能識我
心真剛腸嫉惡今嬰禍深悔從前德未純或以少
慎重爲病或以剛過未安仁爲憂又思里中交游
各爲詩規焉或欲其母流鄉愿或欲其剛大剛克
而收飭慎卿者李公緘交游之一也蓋將思辨義
理磨礪氣質庶幾當剛而剛無致偏重因以驗夫
王成而責善之職又不肯以有憂患自廢爾庚子
先生丁內憂哀毀備至悲動傍人長子雄孫才行
夙成先生倚重焉先是家有巫舛屬諸婢先生雅
不喜雜戲尤不信巫悉以焚之庭有謂不利者雄

孫粹天年十五先生勸之第曰命也終不以俗嚇
為動壬寅心制畢欲遂韜晦共朋友往復講學稍
稍無意舉業以先公命僨勉戊申中別試初試二
場已酉又中生員初試先後或京或鄉卒無成公
議惜其屈庚戌已向衰矣居外憂情支兩盡一遵
禮家視前喪有悛而藥棘之容啼泣之聲三年如
一日疾因砥殆不勝喪人皆憂之壬子外除則太
息言曰吾二親不在雖欲功名誰為榮乃即里東
里許松亭里築厭闔窩杜戶頤養左右書史而得致
功性理其學始加進矣先生自念氣節言議于當古

儒賢惟允齋宋先生有默契者平居酷尚之及己亥
禮訟以來尊信彌篤而中歲厄窮加以喪威疾病未
暇一造門焉恒歎狀不釋旋謂松巖既師事宋先生
而已所友也黃緣服習緒論擊節歎曰此吾東道統
所在當以身衛之甲寅冬羣凶乘 肅廟幼冲追詆
禮論而士禍作竄黜相繼宋先生為之首乙卯自德
源府南遷先生雖布衣家居猶慨狀有遺世志遂以
三月卜居古阜之鞍峴里其地則本縣西距二十里
邊山在其北道遙山在其南沙津禪雲浦又左右交
抱焉江山幽曠迥隔人世先生樂之方遯詩以自叙

日有意吾行也世人莫笑乎理將遠適嫌此接塵
區性喜飲酒自入海每愁憂必日數甌微醺杖履倘
行于漁磯幽澗之間興至輒一杯一詩詩罷悵望千
古益托沈冥逃翹蘖如古人不遇者之爲卽其自號
可見爾狀亦傷生是戒依止酒故事限以日一椀不
事盡飲此見剛制之德矣詩隨得筆之爲小序曰余
之來寓之意其誰知之萬事從來於我浮雲而道否
時蹇鬱抑難聊每值不平之氣乘胸填臆敢以吟詩
而自遣焉噫余非能詩者也觀者勿課之以巧拙惟
忍察其志幸甚人謂之紀實云先生既入遊益究古

今經籍及諸儒所論說一切潛心反身雖其鎮日呻
吟間以詩酒若不拘拘繩尺亦不遽以道學自標而
高識所透實行所孚非俗儒可幾而及是自數三知
已以外莫有窺其涯者其詩曰此老何來此海濬靜
中真趣畏人知世間莫道吾孤寂歷歷前言友與師
贈高公汝興曰討論性理胸開霧宿韓公翊家曰生
晚未能沾聖化此身今日愧顏曾韓公嘗和先生曰
存養耽看古聖言二公其友也先生欲攜手藏修並
游逍遙之北榷子洞洞則本縣境古多榷木故名田
遊居相望三里而近約與誅茅力絀竟未果後季子

龜巖先生乃克成之 當宁戊寅縣誌所謂故處士
黃某父子遯世講道之所泉石花卉甲于一境者是
爾宋先生之止也先生念 孝廟殊遇次趙公世煥
詩曰 先王遺澤著殘貂何耐如今嶺路送其友羅
公世器候宋先生于北歸傳所贈詩先生復次之曰
眼前無限滄浪水較我悲懷不必多士林誦之和者
若干人先生夙負重望雖已屏跡靜散而愍世憂道
義形于色有時談及時事搔腕憤懣甚則噉寒不能
言時輩固陰伺之矣是夏有羅州人迎合羣劄投疏
誣譏宋先生先生喟然曰已卯之禍不如也益激切

不自抑乃與同縣南環尹遇宣諸公聲罪攻之其人
方乘勢逞毒方伯權大載亦醜正者先生同志如羅
公及李公實之朴公光後遠近名流既並危辱無一
免而先生又移金堤郡火邑彌天愈壁立不屈傍觀
怵懾或始同事而終變辭其不信不義甚矣及喋喋
欲先生少損先生不應詠懷曰秋夕重陽獄裏經沉
吟不覺夜三更靜思已卯諸賢哭九曲腸回未肯平
又曰鷗鷺同游一約堅自期閒卧斲塵緣嗟嗟世路
今如此負綫猶看已卯編又曰嗟我平生衛道身還
爲刑獄被囚人偷生此世非吾願地下甘從已乙倫

慎公元萬亦其友也和之有衛道初心老愈堅城門
一語吾方驗之句又有休者已卯錄長痛在儒林語
已卯乙巳稿止朝廷耳談者尚用痛心矧茲延及鄉
曲不尤酷哉其廩廩有一綫虞可知先生神氣整暇
益毅狀未少怖也句徒亦畏百世議不敢極意鍛鍊
幸而黨厄已復歸于遜用鵲詠寄興如初讀書或倦
則問柳尋花懷昔賢意思悠然有自得之趣其於世
若果忘矣猶拳拳宋先生丙辰詩曰竄身山海僅延
生却怕他人躡我行遙想嶺南圍棘裏不堪哀淚漬
雙纓丁巳七月南中諸名士大會光州封疏救宋先

生先生命我王父赴之羅公弟重器疏首也行過井
邑縣先生力疾出餞用詩勗其回天再用羅公所傳
宋先生詩韻勉從行諸儒曰莫謂炎程藉且遠較看
枳棘苦誰多慎公報以柳公漢徵候棘中消息和其
韻寄意曰吾知白日終無蔽又寄和曰僑居酸楚雖
難忍猶勝天東棘裏愁其答書曰按律之 啓尚今
不止耶時事漸不佳寧欲盜狀而無所聞也聞井邑
縣監李星齡有衛道心則又爲詩傾慕焉凡諸文字
屬之宋先生者非一而不以未造門自外其一一段剛
大之氣曾不挫於顛沛非夫以直養而有得乎學問

則安能元其剛善屹狀橫流一柱哉世固有自謂親
炙宋先生而立脚不牢視禍福從違者于先生益不
容同季語矣尤嚴於幽處進退之節朋友有謁來都
下而懼其或忽時義則贈慎公曰眼看平地風濤作
不但傷離慮保躬又曰洛陽桃李雖無數須玩三清
洞裏松贈朴公致道曰北風其京雨雪雱此時行色
不瑕傷結日慎勿輕身名利場其有先賢故家而勸
之母忝則于朴公晶金公時瑞告以孜孜心學于金
公兄翼瑞又告以修身從游之方朴則訥齋喬金則
河西先生喬也先生所以推其所存愛人以德而言

之必在是時者尤有以哉在遜六季竟以庚申三月
三十日卒享年五十三計至舊居鄰里方大宴會為
之罷相弔四方聞者咸曰儒林正氣喪矣四月羣凶
始敗歿宋先生同德諸賢長弟彙征老峯閔忠貞公
文谷金文忠公 啟曰權大載為人刻迫殘酷在湖
臬不但勒定民租道內儒生加以酷刑移囚前後九
十餘人殞命者亦多人心至今未定 上亟命拿問
定罪士論快之先生已無及矣五月十四日筮新宅
葬于壽光山菖蒲洞壬坐直趨居東南數里所亦古
阜境也諸公挽誄者悉以變化致慰愔先生齋志而

松巖則曰少小悲歌行路難又曰昏冥只欲逃紛濁
其弟挺萬則曰寬心酒德晚能詩慎公則曰太史聲
名叔度賢韓公則曰慷慨心期憂道際李公命天則
曰慕尚儒宗士類爲範指斥邪議談鋒誰犯尹公則
曰入海養真日蹢蹢體自胖益皆得之爾若李公實
之姜公以周金公彥器尤善形容而金公所稱身經
卯歲心常憤語及華翁涕自湧者先生復起不易斯
言矣蓋先生孝友睦嫻之風出人表遠甚親在承志
歿幾滅性葬而祭則又竭誠焉事諸父如事先公季
父卒逆旅痛其由已哭之戚五妹一庶弟並嫁娶以

時田地婢僕惟親意是體無或擅教育從弟世埴世
堅再從弟世彬視以同氣其詞翰行業之就先生賜
也或有失則必曰式相好矣無相猶矣先生南來宗
子世再從弟一人有少而不學者長益貪戾諉先世
析產不均因屢侵先生先生謂其可哀不之較第招
諭義理且邀鄰父老證諸立券與以田不贖則復如
之凡再三欲幸感悟田遂蹙幾無以祭人胥以爲難
也而竟訟于官先生不得已爲先世辨焉旣伸人又
莫不灑然先生則事過如故恆愛不衰我王父兄弟
鞠其孤使之學而婚情好怡怡實遺教狀也諸宗在

春川者雖疏必千里書問不闕姑子李公意姊若弟
幼失怙恃養于先生諸父先生誨之以有室家待內
弟加厚至以小姨重媾焉與高公韓公慎公及柳公
必源友善四公皆鄰近淳古君子行誼相尚許與實
深高公踐履尤篤先生敬重之衣食必共常講論心
經近思錄擊蒙要訣四七理氣諸書歿則服緦以哭
敦乎朋友亦希觀矣清介寡欲視穢物不翅惡臭存
心不以瑣屑持論不以苟且尤真率不事矯飾飲食
不患麗淡衣服不患弊浣無馬亦或騎牛大約親戚
有貧乏雖升勺必傾倒無吝鄉鄰有患難雖寒暑必

奔走不後接人薰然以和言笑樂易所喜故舊至輒
權狀供具不復計甌石已罄人感慕之久不忘也一
日朝無以炊孺人閔之先生以詩慰之曰荆布告余
無朝餽笑而不答心自安孺人知其意不復告嘗靜
坐江干見白鷗翛然獨立乃用方言作歌曰江邊兮
石上獨立兮白鷗爾羣兮何去石上兮獨立世間兮
無我友借我游兮如何此雖漫詠亦以寓夫出塵之
想也惟見有悖理亂常則斥絕不容雖於族豪有挾
者剛亦不吐不恤一身利害或 國家有闕失道路
有餓芋輒蹶狀惻狀忘其在猷畝當陰陽淑慝之辨

益兢兢致謹少生在卽而淡笑以當之晚受元爽不
爲名位動心金公汝欽少日同游也來涖本縣時時
過先生亦不以其地主加尊曰子吾故人耳雖貴於
我何有金公素知先生志未嘗不歎服西河李文簡
公出補光州牧間至本縣松塘莊有畱居意未幾且
北歸後先趨候者日盈其門李公亦傾嚮先生欲就
見先生辭以疾但以書謝曰道不同面而不面道苟
同不面而面系之詩曰聞今宦海風波足須向林泉
作逸民又曰底事明公此久畱世途危險信難由結
曰卜鄰一說丁寧否聖訓賢言願共紬又曰江湖別

有閒閒趣不必之京蹙兩眉李公答書曰往來南中
稔聞高義此來病伏無因緣幸會和詩曰論交何必
曾相識滿紙瓊琚可展眉若先生者天幸慙遺得見
朝著一新之會則或將奉袂華陽申說黨厄如李公
實之見惻於宋先生而以一代賢公卿下士之盛亦
不止於追悼矣狀而自是不十年又有己巳之慘比
乙卯不翅倍蓰則先生之歿殆自以尚寐無知者歟
先生少有雋才爲文辭信筆立就不加點汪洋大肆
如水奔放其應舉賦策論義諸篇率一意貫串一氣
呵成不屑屑時俗程式以故知之者賞焉不知者病

焉有得有失終夫去不顧如書序祭文之類亦從宵
臆流出無或近於組織粉澤惟詩則既自謂非能人
亦謂晚能而天機所動本乎性情凡喜怒哀樂一於
此寫之若夫關斯世斯道之重而咨嗟不足隨以涕
泣則此猶有可以觀可以怨者豈區區音律格調云
字所收遺藁可二卷藏于家尚論之士庶知斯言之
不誣也狀此特先生餘事爾其所樹立之大又安可
爲是掩哉孺人慶州金氏高麗太師仁瑄之後十代
祖忠臣都觀使桑邨自粹是與十清軒同系五代祖
牧使 贈都承旨北逸瀨高祖郡守光一其配校理

孫潭李純仁妹曾祖處士建中其配副提學成以文
妹祖處士敬述其配光海朝諫臣王簿鄭復亨孫判
官淡妹伯父沈馬鼎象外祖 贈執義金承傑也戊
辰六月二十日巳酉申時生後先生十四日乙酉行
婚禮戊子執斧以見有容有德王姑舅姑許其孝備
嘗艱難克媿無違寡居十七年以丙子六月初一日
卒享年六十九其八月將附先啓先生窆有水火患
九月十三日始歸于桃李所坤坐同穴取從仕即府
君兆西岡以族位焉舉三男二女男長即雄孫次載
萬卽我王父以次嫡尸宗祀季載重卽龜巖先生女

長高潔類先生適李益懋大司諫竹谷長榮玄孫次
適崔侗栗亭鶴齡後我王父元配蔚山金氏泰夏女
河西先生五代孫舉二女長天次適閔鎮五左贊成
立巖齊仁六代孫繼康津金氏復初女進士鳴川灌
曾孫舉一男二女男壻我家大人女長適金會遂興
翰紀六代孫次天龜巖先生元配鎮川宋氏范女進
士時雨孫舉二男二女男長天次增賢而有文農巖
金先生聞而獎之二十冠未及娶天女長適羅廷泰
參奉南潤海鳳玄孫次將笄天繼 瞻源李氏思龜
女義昌君玗後舉二男長天次均亦十歲天李室早

寡舉一男一女男天有所後蓮女適金洞崔室早歿
無育我家大人配康津金氏伯衡女察訪天挺孫舉
三男四女男長天次不肖胤錫次胄錫女長適盧燾
謹按後王濟文孝公禎六代孫次適金益休河西先
生九代孫餘并天閔室舉二男二女男長喆洙次成
洙女長適李廷煒次天金室舉三男三女長天次天
鐸次天鑰女長適李喬臣次適鄭濟次天胤錫娶丁
南赫女游軒忠簡公燠八代孫有二男二女胄錫娶
金鎮學女左議政貞靖公國光九代孫盧室有五男
長箕垣餘幼金室有一男一女內外曾玄亦不甚蕃

報施之理無以徵矣嗚呼先生生世豈偶狀哉文足以揮九制氣足以當百鍊學足以窮六經四子之源流而顧且沒沒於如醉如狂之域則先生之旨亦豈偶狀哉原其服庭訓修科業若將摘直陳之賦擢大對之策芳振乎一世光動乎一家及夫季盛而時清名囑而義砥不幸未彰直於朝端先向隅於海中委命則不戚矣求道則有樂矣末之世變無窮士禍罔極所恥者進取所欲者卷懷于是乎盡室長往沒齒不出憑醉自命而判薰蕕分黑白則非醉也借狂自稱而慕粟尤希洛建則非狂也是其旨將有堯夫知

之豈易與俗人道哉狀則先生一身蓋有始中終三節而學以經之文以緯之氣則又其流行而合助者也向所謂剛大者不肖於是敢信雖狀徒文而無學則氣亦無所賴而當理矣觀先生剛大所發無太厲而過之無少撓而害之來其不當理者已鮮則學之力斯不益驗矣哉惟其困苦以終不一見知於人而以寒士受黨禍最烈者亦未有如先生此後人所以躑躅嚙咄而不能已也抑先生下世今八十餘季而音容已遠事行浸逸曩龜巖先生雖嘗狀之癸酉至甲申始定而其詳則猶未遑焉即異時何所據而

國朝
攷德不肖為是懼輒用元本補以得諸舊乘遺藁及
家大人所錄前輩長者之言敬撰次如右以請立言
大君子財擇焉謹狀 崇禎紀元之一百三十八年
乙酉六月日不肖曾孫胤錫狀

祖考山邨府君行狀

府君諱載萬字至哉初諱一清字聖在士友稱以山
邨我黃氏本江原道平海郡人上祖東漢儒臣諱洛
建武四年奉使交趾漂到新羅當儒理王時自稱將
軍因居于郡東越松亭北麓其後人至高麗益大有
諱淑卿純誠亮節輔國功臣重大匡參贊議政府事

平海君事在鄭氏史徐氏通鑑生諱吉源人 本朝
繕工監正生諱坤工曹參議有三子並以文學科宦
著其季諱允利鎮海縣監生諱任江西縣令生諱守
平從仕郎事親以誠睦族以和鄉黨親戚無一怨惡
仍先世居漢京或依楸春川府至是 明廟乙巳後
不樂輩下以已西南游全羅道興德縣別莊卒葬古
阜郡南十五里桃李所其子諱紐奔考喪始寓于莊
用優老 恩爵通政大夫寔府君五代祖也葬本縣
東南十里王輪山高祖諱處中濟用監僉正與兄應
中經行相勉 宣廟丁酉避倭歸春川旋南來定居

國朝
始此曾祖諱以厚累舉不中有忠孝節見湖南慕義
錄祖諱宗懋早病自修孝于繼母 孝廟以前尊周
之義不及大著而丙戌樹石先塋書崇禎十九季君
子取焉考諱世基是為醉隱先生氣剛學正不肯隨
俗俯仰晚歲衛道憂 國以沒其少日文苑重望直
餘事爾妣慶州金氏鼎鉉女高麗忠臣都觀察使桑
邨自粹之後伯父鼎象洗馬王母鄭氏光海朝諫臣
王簿復亨孫也自僉正府君至此並從葬桃李所
孝廟丁酉先生奮發清議為邑宰陷害往來順天府
防踏島金氏亦從行己亥五月十二日壬申亥時生

府君于府之洛水驛旅舍先生錫少字樂孫益洛樂
音同所以志云府君在襁褓頗異凡兒二歲祖母伯
氏繼逝十二歲祖父又卒先生重以疾病口吾半世
舉業無所成安用教汝為府君侍湯之際能自劬書
服行長于辭賦筆法亦端潔可愛鄉里稱之宗族倚
之咸謂先生不食之報在是矣 肅廟乙卯士禔作
尤齋宋先生一代諸賢緒續竄黜先生既慨狀遜于
古阜之鞍峴里是歲南中諸名士延被餘裕而先生
及焉府君奔走哀號觀者酸鼻先生終幸歸府君時
在龜壽洞舊居書以諫酒益或成疾是懼爾丁巳金

公秦夏見府君奇之歸以長女即元配也自祖父家
事稍稍勃落及先生遷瓶粟且屢空府君以暇得致
力凡養親承祀之節視前日有裕矣會七月士林大
會光州羅金川重器爲之首疏救宋先生府君以先
生命赴焉季甫十九舉止嫺雅言語冲和一座爭先
致款不以後進處之曰其季亦不可及也戊午西河
李文簡公來雷本縣松塘莊府君又奉先生書若詩
往候李公以先生謂有賢子庚申丁先生憂哀痛逾
制情文備焉謂遷居遺志也從近卜壽光山菖蒲洞
葬之因居于遷時以府君及弟龜巖先生善居喪自

之大小連壬戌府君服闋乙丑始奉金氏出次山邨
爲邇桃李所且優養也翌季轉歸舊居居人莫不欣
悅府君滌瀦既極滋味尤務悅親心日與弟妹怡愉
其側每生辰令節必供具爲壽盛邀親友或歌或舞
如老萊弄雛終親之世以爲常丙寅與龜巖修先生
遺藁自寫以寓慕焉丁卯正月喪元配無子府君南
來六世宗子也且念親老閔狀猶曰三季狀後娶於
禮則宜己巳乃聘繼配金氏家政益就緒府君安之
其六月宋先生歿後命并邑縣府君兄弟奔哭焉
府君益嘗屢赴舉及士祿甚而壺極且傾則偕

龜巖不復出庚午繼曾祖母卒府君以世嫡承重服
喪壬申憂去丙子金氏病患浸頹府君兄弟不離侍
竭誠藥餌雖巫覡亦靡不用極竟丁憂哭擗幾乎毀
吊者悅而憂之益閱月治病歲又大歎而府君先倍
龜巖與人修歸厚解喪身得粹辨無憾矣將葬先啓
先生窀穸有水火患乃移歸桃李所附既襄府君守几
筵龜巖廬墓人謂其兩得焉府君素苦肥濕及戊寅
外除則苦塊前後九季矣元氣以悴杜戶養疾非吊
慶不跡于外逾四十尚未有嗣于世無意也書籍世
傳者束而弄之產萊躬澹者撥而棄之時時寄興陽

詠理以遣懷其詩則律諧辭溫性情斯可觀矣幸龜
巖一子增賢而文將托之宗祀甲甲我大人始生府
君稍用自慰待成長若農望歲視增亦無間焉增遽
病水土府君懼不利鞠子龜巖又為增憂有搬移計
自註甲申二月二十日湖南士林將請沙澆金文元
先生從亨進士曹根夏為疏頭進士金鼎三為掌議
進士吳淵為色掌而公則
製疏蓋會于泰仁縣也乙酉丙戌府君與龜巖議
卜公州敬天熊津錦江間蓋問舍求田矣丁亥府君
復居山邨顧謂逍遙山北本縣之鞍峴里先生所嘗
樂又龜巖所居也因就舊廬李氏滄浪亭且相近
終老焉旋以海氣昏霧又懼不利戊子還山邨猶拳

奉道遙江海之勝乃謀龜巖延四方賢俊共修弊事
春秋約爲真率會其道義文酒之樂故老猶有傳者
羅公亦所同會也李氏亭爲其有受名擊磬與龜巖
隣焉府君感光州舊游贈詩曰二十年前瑞石秋數
千多士子當頭如今存沒悲涼意共話樽邊涕欲流
又曰先君當日楚山陽爲送疏行帳徜徉不見清時
嗟已矣只今遺恨在詩章又曰答救老先生我時李
十九江湖幸相逢蕭颯白渾首府君思親慕賢之意
切矣嘗愛鼇山里地面明爽距道遙甚邇往來眺覽
將宅焉未果龍山里光州長城二境之交也復有志

其地士友謂府君不可失迭相措畫終有不佞旋停
旣又僑秦仁縣新洞里里中多我大人外黨故爾是
李龜巖竟與增府君慟之自念李老子幼且鮮近親
不可不擇處善地以爲裕後計乃相秦仁之古縣里
卽崔文昌作宇所也濟山明麗間閭盛旣叶素心
其人又多我大人外黨府君始至并來團會惟恐不
家云己丑因住山邨府君久抱渴疾庚寅八月幾危
而甦辛卯始定古縣所居先送孺人及我大人其冬
府君追到日夕常開戶歎曰樂哉斯土爰得我所竟
以渴疾不可救我大人李纔八歲命讀十九史略府

君卧而聽焉至父子相傳之序回語孺人曰試聽兒所讀歿生常理我歿毋過哀善保此兒可矣龜巖未及至府君以未見為恨少不怛化恬狀而卒龜巖至則已無及是十二月十一日也享年五十三寓里無貴賤哀之如親戚壬辰將葬以先兆路遠地窄不能歸乃筮新宅得所居東北十里山外面龍頭山亥坐之原直其縣治東南二十里用二月十三日葬焉龜巖實泣之故鄉族姻畢至寓里亦涕送云府君天稟坦夷襟懷恬澹平居不設傲惰交際無或假飾雖不禮律自命而夙襲義方動遵家法其孝友睦婣之風

有自來矣事先生若金氏早以克家稱其病而瘳而葬也既無不以誠而于祭尤兢兢庭宇必淨掃無穢婢使必潔飭無譁以至烹鉶奠獻季五十如一日同氣友悌一室藹狀嫁娶之節各以時金氏無憂也每杯盤昇設兄弟酬酢增亦侍焉詠歌容應頗似栗谷王山故事李氏姊早發無子家又裕敗則並龜巖愍而邀之衣食與共事之以母崔氏妹病痘厄產與庶叔肩暑趨程親殮殯無色難禮亦無失相愛之篤所操之確人嘖嘖歎焉五姑皆窮之外弟寄生者不一而接應有道各自滿望鄭公萬亨亦姑子也兄妹

五六人值大無無所於歸遠來投焉哀而有之畢其
婚不令失所我大人少時鄭公歲一來汝狀曰君之
先公吾父也非內兄也君之慈氏吾母也非內姪也
三從弟載清其父嘗詆先生先生猶恤焉府君承先
不替鞠其孤讀書有室沒又若壻同氣一切諸族無
內外親疎惠之以序鄰有人及覩府君實行者亦感
泣未已曰此非一人私言乃當時公誦也推之鄉里
亦不置畦畛無競無忤人算有怨惡遠近過從者輒
忻狀樂易或醉以酒又飽以德不爲其高下有低仰
也所寓之地各得歡心婦家樂與之結社浦岷樂爲

之翰輟惟馭僮僕有威亦必恩以濟焉以此無得欺
者無敢忘者及沒世猶狀寓里有穿窬者人不堪其
苦招而諭之以明本心之良私欲之累則立泯狀感
悟不復爲患非夫忠厚淳實之蓄乎中者安能彰著
若是哉龜巖嘗論真知工夫特舉府君語曰盜竊者
未能真知其非故敢爲不義此于學問大義有犁狀
相會焉府君資識之高尤益驗矣若其詞翰之敏瞻
而文采之泯沒則是乃固所自廢而自甘者于府君
何有獨恨宗祀之故顧復之至東搬西移不遑寧處
甚至靡室靡家昆季亦分攜以終家運身命誠可悲

也巳元配籍蔚山府河西先生五世孫鶴城府院君
德摯之裔丁酉生戊午三月始見舅姑丁卯正月卒
之時二十四日享年三十一從葬桃李所從仕郎府
君兆下午坐其後則曾祖舅姑墓在焉舉二女長夭
次適閔鎮五左贊成立巖齊仁六世孫繼配籍康津
縣復初女進士鳴川灌曾孫檢校漢城府尹懷鍊後
家世以文行科宦稱戊申十二月十九日癸未辰時
生巳巳閏三月行執笄禮繼曾祖姑及姑賢之丁巳
七月二十二日卒享年七十其八月二十五日附石
同穴自有狀舉一男二女男壻我大人女長適金會

之輸悃惟馭僮僕有威亦必恩以濟焉以此無得欺
者無敢忘者及沒世猶狀寓里有穿窬者人不堪其
苦招而諭之以明本心之良私欲之累則立油狀感
悟不復爲患非夫忠厚淳實之蓄乎中者安能彰著
若是哉龜巖嘗論真知工夫特舉府君語曰盜竊者
未能真知其非故敢爲不義此于學問大義有犁狀
相會焉府君資識之高尤益驗矣若其詞翰之敏贍
而文采之泯沒則是乃固所自廢而自甘者于府君
何有獨恨宗祀之故顧復之至東搬西移不遑寧處
甚至靡室靡家昆季亦分攜以終家運身命誠可悲

也己元配籍蔚山府河西先生五世孫鶴城府院君
德摯之裔丁酉生戊午三月始見舅姑丁卯正月卒
之時二十四日享年三十一從葬桃李所從仕郎府
君兆下午坐其後則曾祖舅姑墓在焉舉二女長夫
次適閔鎮五左贊成立巖齊仁六世孫繼配籍康津
縣復初女進士鳴川灌曾孫檢校漢城府尹懷鍊後
家世以文行科宦稱戊申十二月十九日癸未辰時
生己巳閏三月行執筭禮繼曾祖姑及姑賢之丁巳
七月二十二日卒享年七十其八月二十五日附右
同穴自有狀舉一男二女男壻我大人女長適金會

遂典翰紀六世孫次夫我大人配金氏亦籍康津伯
衡女察訪藍田夫挺孫舉三男四女男長夫次小孫
胤錫次胄錫女長適盧燾王濟文孝公禎六世孫次
適金益休河西先生九世孫餘並夫閔室舉二男二
女男長詰洙次成洙女長適李廷燁次夫金室舉三
男三女男長夫次夫鐸次夫鑰女長適李喬臣次適
鄭濟次夫胤錫娶丁南赫女游軒忠簡公燠八世孫
有二男二女胄錫娶金鎮學女左議政貞靖公國光
九世孫盧室有五男長箕垣餘幼金室有一男一女
子孫摠若干人嗚呼府君之卒今五十五季矣音容

已邈紀載靡憑小孫胤錫何所述焉曩己卯我大人
攷諸詩文遺藁又記所聞慈教為遺事以詔胤錫兄
弟其尾有曰竊嘗聞之愷悌君子神所勞矣以府君
仁慈義惠宜有福祿之享而生而疾病不離歿而子
姓不蕃天之報施果何理也抑或有待而狀耶噫噫
痛哉尤有慟者生人所願無過於琴瑟壘篴之樂而
府君以養成不肖也有室而相睽有弟而相離幾七
八季所則揆以常情屬續之際必有慘狀不樂之色
矣乃獨申說晝夜之理慰諭家屬無一言及私府君
築養之正為如何哉不肖幼違膝下性又不慧府君

儀形猶不能詳矧平生行誼之萬一乎此不肖所以
不忍書亦不忍不書者也小孫胤錫於是重有戚焉
敢據之叙補如右以俟日後仁人者矜察云謹狀崇
禎紀元之一百三十八季乙酉六月日小孫胤錫狀

祖妣孺人康津金氏行狀

孺人姓金氏新羅之胄世籍全羅道康津縣古道康
郡亦曰金陵云其先可譜者自諱原卿始高麗司醢
署直長同正是生諱柱門下評理是生諱懷鍊本
朝檢校漢城府尹錄開國從勳益葬楊州夫人挈家來
奉仁縣世居焉歷萬戶諱德方修義副尉諱石鼎至司

正諱潤孫娶正言不憂軒丁公克仁女生三子自是
文行科宦之盛聞于南中其伯諱希尹弘治生員訓
導典翰石軒柳公沃其壻也高峯奇文憲公其外孫
壻也子諱若晦正德生員與弟若虛聯壁號閒亭已
卯乙巳之禍歛跡不出與退澹一齋圭庵靈川錦湖
岐峯諸賢交好唱酬河西金先生爲九焉婦弟宋世
珩附姦黨秉銓視之若免也子諱元嘉靖進士尚衣
直長號詩出子諱大立能詩工書有家風累舉不中
補別提號月峯嘗斥鄭汝立自毀浩浩亭不與從人
服其先見焉事在己丑錄壬辰倭亂募義天將何啓

明來訪是子孺人高祖也曾祖諱灌萬曆進士號鳴
川勤學善誨暇享武城書院游京日李爾瞻請再三
不應丁卯胡亂募義沙澹金先生詡之松江崎庵牛
山又戚好加敬云祖諱行健考諱復初有德不壽元
配星州李氏匪龍女一齋之後有二子長萬采號五
柳篤行明禮與治九庵喪爲諸公所服次慎采重厚
而文號藍澹用優老典僉知中樞繼配天安全氏其
父有道鄉里稱儒雅長者 顯廟戊申十二月十九
日辰時孺人生于本縣南村之新洞里甲寅正月喪
妣十許日又喪考李甫七歲鞠于五柳公公固急難

人誨同氣極其慈有失不嗔以哭服食之微猶竭心
焉于孺人謂其最祥尤兢兢若保人莫知異母也孺
人天性溫厚婉婉重以濡染自祭祀絲枲動中其則
容德若功幼已成矣又聰明善記於列女傳女訓小
學諸書一聞能會大意通鑑史略以至唐人詩亦強
半成誦諸父兄迭女畜之曰是女而士者既長五柳
公爲之擇對會府君元配卒與之議親越三季乃諧
以己巳閏三月十八日行執斧禮繼曾祖姑周氏及
姑金氏並無恙見孺人進退之宜資裝之鮮歎曰是
賢婦矣自入門奉老人志物克備待小姑娣婦若同

氣焉推之族內外屬親疏胥得其歡和氣藹然也是
李仁顯王后遜居私第諸賢因之獲罪孺人雖處
寒門猶慨然太息及其復位則慶幸焉平居爲子女
說當時事實曰聞此不流涕無人心者也天賦之懿
可見已始周氏嚴整有法度深惟宗婦之重愛孺人
篤康卒于王輪山報恩里少子宅府君以嫡曾孫
服喪孺人從焉凡具悉親裁畫不自處新婦樣宗黨
長老以爲賀每事必來取法府君少則家業艱甚得
稍游心而未有相也孺人實昉倡隨經理就龜壽洞
舊居先建祠堂止寢大廳長第以成一切內政瑣屑

府君無關心者丙子金氏卒歲大荒賴歲月有制無憾焉孺人初舉一男二女繼而厄府君遲之庚辰金室生甲甲我大人生丁亥季女生所居有水土憂為其妨於鞠子也遂轉移徙靡定與府君分離有季辛卯夏季女夭冬會古縣而府君遽即世孺人承遺命抑情撫孤其地則泉淇故鄉二兄居焉府君十焉自寡居持門戶備嘗辛苦矣已又值歉饉粥不以時猶不歸舊居亦不賣舊產曰家長托之未亾矣何可忍諸叔龜巖先生時在逍遙山下素屢空益不聊生孺人念之并腴田從近請賣以濟急焉丙申嫁金室我

大人稍長屬龜巖教之雖嚴不以難也戊戌龜巖卒孺人哭之有加已亥命我大人娶以我母氏本親也私戚也又鄰近所與熟我母氏既至則孺人泣狀曰惰不令家長見之庚子為糧運浸窘不得已就倉舊居奴婢歡迎若赤子于慈母云我大人既成長孺人猶惴惴傷虎曰得汝游學鄉塾為謹勅士足矣因告以三遷之教不汲汲科事我大人不敢違詞業自就十九二十及二十三發解者三孺人懼譽早不幸益慄然不寐不為聞喜喜焉我大人若遂致身進塗則孺人盛滿之戒必矣丁未我大人始行痘山邨痘且

發孺人驚惶徒步視疾請禱靡不用其極立邀藍溪
公文子自外參診焉一夜有賊明火大喊僕輩已鳥
獸竄孺人以我大人不能轉身儼狀扶坐無少怖惟
歸時轎前婢順良侍側賊亦畏孺人疑定不敢入顧
火方熱屋不可撲危呼吸也里有宋姓人曾處府君
門下受孺人惠常稱報恩子者自請超入重籬背我
大人自焰中躍出孺人亦跟婢脫焉非夫澤人之深
豫得灰力則我家六七世宗統幾殄矣先是龜巖有
孤均辛丑四歲又失恃孺人有之不翅子是李竟天
于痘孺人慟焉戊申逆賊弄兵騷訛沓至泰仁為甚

藍溪公馳至欲偕孺人歸避亂孺人曰地則危矣計
未為得但家長所葬我且冒赴因攜我大人至古縣
我母氏又從之夜踰大嶺孺人腳疲矣我大人與母
氏前挽後推先寓虛谷里以觀其變是孺人祖父別
業也亂已而復當辛丑長孫龜齡生次季而夭孺人
以宗祀為憂已四小孫胤錫生辛亥胄錫又生則顧
我大人慰之曰于汝孤子家斯不少矣若翁一生窮
獨有汝亦不克有成吾乃支離於世獨享含飴之樂
寧不悲也癸丑金室來許以畱居我大人累躋春官
至是又不利自矢一悅親意四方知名者從而攻文

往往選住山房胤錫五六歲粗解讀書其無所學則
孺人輒用舊聞史若詩口授之愛其不至愚也亦不
以恩失教或有窒礙處使就鄰居學究取正必走婢
先請而後送之丁巳三月我大人方在內藏山園寂
庵忽夢噩大哭一聲蓋凶兆爾諸友驚且訊我大人
隱之心不忍言諉魔而已四月歸觀孺人已感微恙
曰自春會無味矣我大人侍寢又夢孺人挈小孫女
以出大叫曰毋氏安往時夜曙矣孺人起而櫛始自
危撼之覺而曰疇咎之夜吾夢與若翁奠獻廟庭汝
又夢若是吾其不久乎五月所患痢浸緘會飲不一

進我大人焦泣請藥孺人輒不樂曰吾年七十矣不
甚苦東餒亦既抱孫志願滿矣藥弄為猶為子女強
焉而罔效六月氣大損大肉皺穀道所下黑若魚膽
狀我大人尤懼潛向壁嘗其苦甜孺人偶見之責曰
此雖古人事污穢毋愛近口也於是日益危蒼疾若
徹夜三十餘日孺人生臥俱不能人扶以倚我大人
夜夜露立屏處祈天七月半後秋氣乍生冀或得蘇
二十日益復篤二十一日夜澁手足已冷而言語自
若也不及後事獨招胤錫人曰吾欲見此兒學就今
未能而歿是為餘恨耳雜既數三鳴將絕金室呼不

應我大人呼則微應有喉間聲渾家環而泣孺人猶
若愍焉不悅俄而卒二十一日卯時也竊嘗聞之婦人
之職不越乎酒食紡績粧洗檢押之間而孺人則衆
美昇焉非一節可局原其慈而有制和而不流飭躬
恥以矜持接物務以寬容姑最大者言之事府君惟
志是順無一事敢擅無一時自假用能四五卒克立
家道若世俗妒忌之習淡以爲羞事焉于姑逮事而
孝于舅醉隱先生不逮而誠先生嘗以一畫簪挽命
後人祭我用酌可矣孺人祭則出之訖復寶藏洞洞
屬屬如執玉焉終其世不傷不失自曾祖姑李氏有

石磨承用至孺人四世矣東西奔迸猶識之愛之戒
毋以虧損府君族甚孤祀或月三數行矣孺人獨尸
其事婢使不潔者不令供內祭羞懼爲貓鼠汚必守
燈抵曉焉餒餘分諸鄰里不欲味敗齋之日老不御
滋味我大人幼請必曰我自堪此何難之有汝父母
育汝閱斯未齒已哺肉汝老則不可効我也龜巖學
成行尊孺人敬重之春秋必問遺服食不論地遠爲
之常龜巖亦曰嫂氏古圖史中可來者府君晚爲後
人析產不逞悉孺人寡則一聽龜巖措處已不與是
體府君及愛爾自以早違二親未有一日眷爲至痛

每忘辰先期治具送本宅我大人審其顏色則悽狀
竟夕諸父忘亦必食素也五柳公在有無共之毫無
吝意沒則請藍田公趁暄妍來住四五朔用盡湛樂
焉我大人少學于藍田公亦不忍忘事之猶毋遺殺
狀也府君元配有閔室女三歲依孺人憐其不幸類
已鞠之有逾已出閔室亦不知非所生也呼孺人二
兄爲內舅有時出拜及長乃知所不知者猶呼舅若
幼時嫁則豐其奩資田地奴僕尤加焉金室顧不如
益欲其存存無價而婿不克自立初有意依兄卒狼
狽來處山邨自辛卯至丁未田非屬自己者多擅而

有之孺人哀其羈窮不芥憊也閔室沒十季至孺人
沒猶不問地出視以問田我大人承之三季無改孺
人慈恤之德可泣鬼神矣馭奴婢亦有法度其有得
罪府君者必從中溫辭赦解恩威既並舉忻忻狀雖
邪僻而不忍欺或呵罰而不敢怨所寓之地相謂曰
某婦人真聖人也鄰里施與各以筵等時有來於人
人不厭其來往來家內者無貴賤善遇山媪海媪多
爲之致情焉邨兒輩與有戚屬則作鬧亦不叱退第
徐誨之男子以文字女子以鍼線益莫不樂聽也嘗
自言吾少日脆甚父兄俱云不二十季矣既逾四十

肌肉充盈頭髮微白自省不大衰削人之壽夭未可
以強弱懸度爾又言吾志想不拘庭衢每欲跨馬遠
遊而不可得信乎古詩所謂莫作婦人身也自幼罕
疾病未始服一裹藥惟或染天行而絕無疴瘡苦證
所稟蓋迥異凡人矣况其一縷垂盡而精神之不爽
定力之彌確亦豈端狀哉方葬藍田公謂我大人曰
爾親淑哲宜得千幸福地人不問於昆弟之言者胤
錫于是敢信嗚呼孺人之喪胤錫纔九歲矣追念音
容隱約如夢而曾未幾何已二十九季卽稍擬紀實
以寓慕何憑焉我大人頃草遺事用飭穉昧則幸矣

其尾有曰孺人孝於事親敬於所天和兄弟而不嘖
慈婢僕而不遺柔順幽閒無一不出於正而文學才
行尤致意者也是以正終之際猶胤錫是念則欲其
就切矣不肖未克勸業致一日之喜又當家祀奉蠲
室累季所以恨之沒身也後孺人二十三季胤錫獲
忝上庠不辜所教茲非陰祐歟孤露苟延獨見孺人
積善之報悠悠昊天曷有極焉惟當奉服慈訓戰兢
臨履庶卒顧復之惠耳抑婦人之行非諫不顯謹錄
省事以來所睹記如右小孫胤錫實有戚焉敢據之
叙補以俟仁人立言我系及子孫已詳府君狀茲不

著云謹狀崇禎紀元之一百三十八年乙酉六月日
小孫胤錫狀

叔祖龜巖先生行狀

先生諱載重字元叔號龜巖我黃氏江原道平海郡
人上祖東漢儒臣諱洛建武四年奉使交趾漂到新
羅當儒理王時自稱將軍因居今郡東越松亭北麓
遺墟在焉其後累傳至高麗益昌有諱淑卿純誠亮
節輔國功臣重大匡參贊議政府事平海君事在鄭
氏史徐氏通鑑生諱吉源八 本朝繕工監正生諱
坤工曹參議有三子並以文學科宦著其季諱允利

鎮海縣監生諱任江西縣令生諱守平從仕郎事親
以誠睦族以和鄉黨親戚無一怨惡仍先世居漢京
或依楸春川府至是 明廟乙巳後不樂輩下已酉
南游全羅道興德縣別庄卒葬古阜郡其子諱紐奔
考喪始寓于莊用優老 恩爵通政大夫寔先生五
代祖也高祖諱處中濟用監僉正與兄應中經行相
勉 宣廟丁酉避倭歸春川旋南來始定居曾祖諱
以厚累舉不中有忠孝節見湖南募義錄祖諱宗燦
早病自修孝于繼母 孝廟以前尊周之義不及大
著而丙戌樹先塋石特書崇禎十九年君子取焉考

諱世基是為醉隱先生氣剛學正不肯隨俗俯仰
肅廟乙卯之際衛道憂國遜而終其少日文苑重
望直餘事爾妣慶州金氏鼎鉉女高麗忠臣都觀察
使桑邨自粹之後伯父鼎象洗馬王母鄭孺人先海
朝諫臣主簿復亨孫也先生以顯廟甲辰九月二
十四日壬子寅時生于縣之龜壽洞里聰明端粹孺
柔庭訓自應對進退無非義方幼而善病於詞翰不
克力往往有警絕語乙卯醉隱先生攜親朋游逍遙
山北水縣境榷子洞既卜築各識以詩先生隅坐和
進曰閒坐小溪邊幽香煎杜鵑花光明左右茲會亦

神仙醉隱先生喜說一座曰此兒詩思有出塵之味
終可為此洞主是時酷好屈杜韓諸家間治舉業詩
賦義不拘程式有家風黃別提信龜賞其製語人曰
某甫子已文章步驟矣庚申醉隱先生卒于遜先生
體猶羸小若嬰孩能執禮致哀無異成人或以母夫
人命出避痘疫尤戚戚欲無生自以早孤為至痛事
母夫人極其孝左右就養不離至親滌溺器觀者為
之感聳天性狀也丙寅偕長公修醉隱先生遺藁以
寓慕丁卯疾稍完乃行迎相之禮始松庵奇先生挺
翼游九齋宋先生門講學長城府西於醉隱先生戚

兄也朋友也先生早已獲侍及就而問萊半季奇先生推詡之待以道義契已巳宋先生受後命井邑縣先生兄弟陪奇先生奔哭喪次後奇先生卒先生與諸生俎豆楸山偕長公往謁焉先生嘗一赴舉毋夫人命也退而曰是利欲都會不可再至士裕作而壺位傾則事有不忍言者遂慨然兄弟廢舉終其世不出自是性理書外無所用力時有一二結撰亦不屑也惟義理所係不得已筆之既輯楚辭鈔劾騷二書又次幽通賦韻以見志博五十一二月二巖卒甲戌用向親無愉色對妻闕敬心忿怒之猝發思慮之狂馳

凡四事作詩自警其用功篤矣丙子遭母夫人憂送終之節一遵禮家甘糞歛諸具則先生若長公先與人為親修禊得粹備無憾焉既合葬桃李所因廬其側歛粥枕塊幾至于毀不脫經帶日三展省春夏耘莎草秋又掃霜雪不使僮指或勸之代勞輒泣狀曰亾親托體空山頑喘不滅命也尚恐自逸哉廬距長公宅恰五里所朝夕朔望之奠雖祈寒暑雨必往來與焉迄三季如一日暇則讀儀禮戴記程朱以至粟谷沙溪諸先生經禮說思之辨之行已及諸人夢拜兩親必記之毋忘嘗感疾夢母夫人勸以卯醢嚙其

半覺而疾如失矣自醉隱先生卜築未遂先生恆以
爲念已卯卽其所稍移東南數十步外獲爽塏經始
地主及遠近同志義而助之翌季而書堂成庭有巖
正肖龜曳尾狀乃本朱子晦堂意榜之曰龜巖其號
以此其東一巖削立澗上者曰九仞取爲山語以自
戒其北因巖爲臺則曰游仙所以警俗也後又築臺
其西從崖上臨澗名鳴玉亦用雲谷記所引陸士衡
詩云先生日讀書其中由心經近思錄湖之四子諸
經務窮其旨而反諸身非參祀拜廟及長公則不歸
處野居也野居時已有四方從學者先生亦以教育

自任至是尊信益衆先生既生長遐僻每恨無所就
正壬午聞農巖金先生遜居三洲爲一代儒宗而地
遠不及親造乃以書先塲金先生以其古人事也且
曰陳義高遠足見賢者之志登季先生又書質知行
工夫極用力者三四百言因請金先生毋拒來者而
托以子增辭甚切又致意寒水齋權先生增賢而有
文勿從諸舅宋進士思綱掌令思胤佐郎思翊數三
公學詞章成童則待先生書堂聞性命緒論能志學
且有立矣先生愛之先生常拳拳春川重有慨於語
牒之佚也乃力疾自金溝縣歷忠清道清安縣偏尋

諸宗又過漢京抵春川謁參議府君已下三世墓訪
宗族在本土者曲致敦睦轉問代系自貴沈賤源而
派根而枝成一家之籍以俟後人焉方南下復由漢
京始拜金先生于平丘驛廬次金先生首問增文行
推弊不已遂及書中知行累百言先生又展餘蘊幾
十言自恨氣德未能詳叩益有所記問答怡乎今無
傳也金先生每對南中人必稱先生好學亶亶焉鄭
參議東後亦言金先生在世日屢道黃處士之賢吾
則愧未及一見爾甲申用古禮冠增又將授室而增
已病水土先生是憂有搬移意乙酉丙戌卜居公州

敬天能津錦江間將與長公偕焉戊子增年二十竟
夫先生哀悼不能忘孺人宋氏亦以哭泣成疾繼而
卒先生遂還野居凡三年事行無可考豈喪感記有
未遑歟辛卯聘李氏乃任書堂如初是季長公卒于
秦仁古縣姣氏先已挈從子寓其地矣先生奔視喪
翌季長公之葬有人劬服入官門訟以非理先生應
之受橫逆不一而為其有喪也益致敬焉訟官亦以
先生為賢者時 國家有海賊東搶憂已二年先生
自奮擬一敵愾私議鍊兵策甲午監賑御史洪公錫
輔首薦之 朝曰行誼之美操履之篤實不易得特

請調用 啓下吏曹立擬 獻陵參奉如是者再而
一 命終無及焉先生與羅金川重器吳進士淵金
進士璉柳進士湖漢諸公爲江湖交春秋團會有觴
詠之樂羅公金公又就先生卜鄰吳公所與論學者
先是權先生揆市南俞文忠公家禮源流後序浚斥
尹拯所謂不記師教有無語時象因之不請先生歎
曰此與甲子何異乃贈吳公詩曰斯道非耶百惟生
異言喧聒事堪驚 憑君爲托黃江老勉力扶持無晦
盲柳公之楷嘗來問學語及小尹事議不合辭氣勃
勃先生不之辨徐規之以詩曰此事終爲俗子輕祗

緣吾輩竊虛聲勉君努力惺惺法萬惡皆從不識生
柳公悚狀稱謝焉丁酉二月先生自書堂移寓羅公
擊磬亭舊李公意滄浪亭也時時歸游書堂會聞李
相公頤命有獨對之 命爲之愀狀終夕十二月安
公益大自龍仁縣來候益金先生門人豔先生久矣
翌季二月又以書邀會禪雲寺先生與金公命孫赴
煙起寺金公亦嘗游三洲者是歲金先生棄後學已
十一季相與感慨經宿而別贈詩曰農巖止學實吾
師曾自關東拜講帷斯道益孤嗟已矣勉君努力共
扶持八月六日在寓病卒享年五十五以十月歸葬

陸氏書
桃李所午坐直從仕郎府君北東南白步許北距郡
治十五里後十九季而為 當丁丙辰士林合辭享
祠院于書堂東北書堂里越六年辛酉有一相臣因
私憾請自甲午為限悉毀八路祠院雖孔朱影堂猶
且未免而本祠亦及焉嗟乎天厄吾道豈止先生之
厄哉益自醉隱先生已常講習宋儒東儒之學而一
家忠孝文獻之傳有由來矣先生於此熱口順耳扣
而大之雖嘗請教兩先生而若其用志不分直尋為
學門路則所自得者實多其為學也必以進學涵養
為準的遂作名書堂記有曰論語之博文約禮即學

之之事也伊川嘗謂涵養須用敬進學則在致知又
謂未有能致知而不敬者進學則博文也涵養則
約禮也敬則一動一靜之樞紐也誠能從事二者之
功而以敬之一字交養焉則博約既至而天下之理
隱顯巨細精粗遠近無不貫于一者樂而玩之固足
以終身訢狀乃就座壁雙牖各有箴左曰進學右曰
涵養朝夕以之觀省焉見人專於靜坐力行而不讀
書致知則勉以讀書致知專於讀書致知而不靜坐
力行則勉以靜坐力行各隨其偏救之不爽尤嚴於
克私欲除妄想不以一念之微差而不省不以一事

之細失而不改有詩贈學者曰明善誠身兩致功非
忘非助漸融通如無日夕惺惺法爲學玄虛若捕風
讀中庸詩曰前此悠悠而泛泛欺人欺已事朦朧讀
書今日方知病幽獨中間闕致功自餘論說爲涵養
省察而發者類皆體認心得非一時口耳之比其知
行並進而持之以敬也可驗已是以觀乎修己則未
明而起盥濯必潔几案書籍各有位置飲啖匙筯無
或放忽浚衣幅巾終日而端拱竹杖芒屨有時乎徐
行容止莊言語厲望之毅而儼卽之薰而益一睹已
知其有道氣像也方且自視如不足以日月如流學

力未進爲憂得一善必孳孳加意雖病甚有不廢焉
其新而又新愈進而不可量歟觀予有家則祭祀之
需必助宗家器皿烹錫克誠克謹既無違禮色滿容
而喜或有故不與紙榜權行以抒悲自外至望祠堂
雖遠必下馬事長公如嚴父事無大小悉咨稟無敢
擅者于媵氏亦狀媵氏亦敬重之衣服飲食問以時
寡則家事俱取裁焉李氏姊早嫠無子邀與同爨數
十年嫁其女沒而葵求其夫從子而後之閨庭之內
肅肅無闌語訓子女有方各授所業不使怠一不謹
則戒之曰若輩於我乎養者安敢爾從子稍長引而

教之嚴篤視已出無間宗族或不率教亦必開心見誠俾有感悟其屬疏距以千里猶源源書問不絕生計益蕭然餬口且艱而處之裕如未嘗經其心室家化之觀乎接人則亾論齒老少地高下苟稍向學必誘道不倦來則立之程課學進爲之喜否者反是其歲儉糧絕且歸疏糲共之使卒其菜每稻初熟鄰里有匱直許穫田周之雖他日亦不恤瓶罄也交際一切惘欵于至賤未遽斥呼聞其喪或非親厚必撤滋味不進知有善幸之若已有視不善遠之亦不惡而嚴有妄評時政得失人物長短者輒不悅不與相和

至若尹拯自絕于九庵則當甲子始歧已向人嚴辨矣而旋以爲啾啾此論不若汲汲此學之爲切已也由是三十餘年不開口及之雖其非所傾慕而爲衆所積者狀猶疑有可宥必加察焉既聞既見審其終無可宥狀後積之凡黨論愛憎有不循也以故權度所在人莫之淺窺或平生臭味不同而亦尋常慕德而至及夫閱變益多窮理益精凡有關於天理人彝之重則不得不爲世道指定所趨狀亦必待可語者乃告也晚歲最嗜易春秋益於觀象經世之大旨淡有味焉推之 國計民事軍政其當急先者無不講

究條貫每至曆書必抹虜中康熙號以見志書堂對
邊山峨嵋峯嘗有詩詠懷曰遙峯如鍛復如矛插入
雲天勢莫侔我欲扳之超海去一麾中土斷胡頭雅
慕諸葛忠武侯一夕因夢見之又羨慕重峯趙先生
並以之自期其詩曰武侯心事重峯節天地中間只
兩人我欲學之徒髣像終狀窮餓坐湖垠屬 國家
或有可憂則又不以草莽而忽狀也其餘力所及自
象緯堪輿醫藥者流大約出入貫穿而詩文辭賦不
甚用意者亦駸駸近古非陋儒汨沒語錄句讀輩可
希雜識則平日所記學問之功動止之節多焉今有

遺藁藏巾行將行後之人可以觀矣方先生以道爲
己責浮薄之徒始則議之中則稍慕之終乃靡狀莫
不宗之鄉有一文人待士夫倨甚獨致禮先生曰龜
巖先生大賢也吾不敢不禮計至爲位加麻而哭者
若干人以所學淑身而有稱者亦不少益先生學成
而行備矣德崇而榮該矣公論昇存焉可誣也宋氏
籍鎮川縣范女進士時用孫戊子卒之時六月二十
二日享年四十九葬桃李所西岡醉隱先生兆下增
墓後午坐自先生地西北可一里相望一男長生無
幾夭次即增一女長適羅州羅廷泰即羅公從孫婦

也早沒無育次將笄而夫李氏出 璿源思邈女義
昌君亡之後二男長數歲天次曰均其生之歲而寡
服纔闋已毀以 景廟辛丑三月二十日卒享年三
十葬壽光山醉隱先生舊兆西南岡良坐取書堂相
望東北三里均養于先生校氏特蒙慈憐丁未亦夭
僅十歲從葬先生兆下先生血胤于是盡矣所謂福
善之理又安在哉嗚呼先生神識自大英氣邁人少
而本之孝友長而學乎聖賢用能循序而漸進篤志
而竟得其充養之深厚造詣之高遠有初學所不得
形容而又清迥冲澹一塵不染此實醉隱先生餘韻

也雖不幸側陋丘壑曾未一試其蘊而理義所感聲
望有孚及門者既皆悅服聞風者亦能興起原其致
此初非專靠師友之助則謂之豪傑之士顧不稱歎
先生之生天意益不偶狀而卒之窮其身齋其壽甚
至似結絕而俎豆且撤豈天亦迫於氣數之嬗變而
不能自由耶尚論者至今齋咨固其所也若先生學
行德業之實不必因是有損而狀門戶已衰紀載廢
闕誠恐一朝或終歸於湮沒則及茲猶幸可徵之時
錄其大都又可緩乎曩矣及先生門人李公玄一已
成狀矣辭未備無以示遠胤錫為是懼輒擬元本叅

諸遺藁及得之家大人所聞觀者敬撰次如右以請
立言大君子財擇焉謹狀崇禎紀元之一百三十八
李乙酉六月日從孫胤錫狀

頤齋遺藁卷之十六

